

四庫全書

子部

欽定四庫全書

子部

玉海卷一百十二

詳校官中書

臣張經田

主事

臣祁韻士覆勘

總校官進士

臣

朱鈐

校對官助教

臣

金學詩

謄錄監生

臣

曹錫璜

欽定四庫全書

。王海卷一百十二

宋 王應麟 撰

學校

學校

下 辟雍

晉太學 國子學 兩學 辟雍

紀武帝泰始六年冬十一月幸辟雍行鄉飲酒禮

宋志 詔曰

禮儀之廢久矣乃復講肄舊典賜太常絹百疋丞博士
學生牛酒咸寧三年惠帝元康三年並行其禮 文選

注引陸機洛陽記辟雍在靈臺東相去一里俱魏武所徙咸寧二年五月或作九月立國

子學

武帝初立國子學定置祭酒博士各一人助教十人

江左初減為九人元帝末增儀禮春秋公羊博士各一人合為十一人後增為十六人不復分掌五經謂之大

學博士武帝太元十年損國子助教為十人元帝建武元年十一月丁卯立

太學成帝咸康三年正月辛卯立太學孝武太元九年

四月己卯增置太學生百人

以車府領國子博士

十年二月立國

學列傳王導元帝軍旅不息學校不修導上書曰自

頃皇綱失統頌聲不興將二紀矣先進忘揖讓之容後

生惟金鼓是聞干戈日尋俎豆不設先王之道彌遠非
所以習民靖俗端本抑末也今若擇朝之子弟並入于
學選明博修禮之士而為之師化成俗定莫尚於斯帝
從之征南將軍戴邈言庠序廢宜向道崇儒以勵風化
琅邪王從之始立大學

庾亮為征西將軍
在武昌開置學宮

荀崧元帝

太興初轉太常時方修學校簡省博士其儀禮公羊穀
梁及鄭易皆省不置崧以為不可上疏曰世祖武皇帝
崇儒興學經始明堂營建辟雍告朔班政鄉飲大射西

閣東序圖書禁籍臺省有宗廟大府金墉故事大學有
石經古文先儒典訓賈馬鄭杜服孔王何顏尹之徒章
句傳注衆家之學置博士十九人學士如林猶選張華
劉寔居太常之官以重儒教今博士準古計今猶未能
半舊員十九人今五經合九人宜為鄭易儀禮置博士
且三傳並行未能孤廢與其過廢寧與過立詔曰穀梁
膚淺不足置博士餘如奏

時太常賀循請置三傳博士合八人

裴顧

惠帝時奏修大學刻寫石經

惠帝元康三年以多艱難於是創立學官品第五以

上轉入
國學

袁瓌成帝咸康三年上疏

國子祭酒袁瓌太常馮懷上疏

曰

若得給其宅地備其學徒博士僚屬粗有其官則臣之

願也疏奏成帝從之國學之興自瓌始 謝石平苻堅

後請興復國學以教胄子

太元九年尚書令謝石請興復國學于太廟之南名國子

學西有夫子堂畫夫子及十弟子象南有諸生省門外有祭酒省三博士省舊置博士三人 通典云云明年增造廟房屋共百五十五間而品課無章當時君子恥與其列云 謝玄舉臧熹為助教

潘岳間

居賦靈臺傑其高峙其東則有明堂辟雍清穆敞間環林紫映圓海迴淵聿追孝以嚴父宗文考以配天祇聖

敬以明順養更老以崇年

注三輔黃圖大司徒宮奏曰明堂辟廱其實一也

兩

學齊列雙宇如一右延國胄左納良逸祁祁生徒濟濟

儒術或升之堂或入之室髦士投紱名王懷璽訓若風

行應如草靡

注郭緣生述征記曰國學在辟雍東北五里太學在國學東二百步國學教胄子

太學招賢良

宋志晉泰始八年有司奏太學生七千餘人

才任四品聽留詔已試經者留之其餘遣還郡國大臣

子弟堪受教者令入學咸寧二年起國子學

蓋周禮受教於師氏

者
太康五年修作明堂辟雍靈臺太元元年尚書謝石

請興復國學以訓胄子班下州郡普修鄉校其年選公卿二千石子弟為生增造廟屋一百五十五間而品課無章士君子恥與其列國子祭酒殷茂言之曰輔性成德必資於學先王所以陶鑄天下津梁萬物舊制國子生皆冠族華胄比列皇儲而中者混雜蘭艾人情恥之竊謂內外清官子姪普應入學制以程課齊志晉初太學生三千人元康三年始立國子學官品第五以下得入國學太學之與國學是晉世殊士庶異貴賤耳

自穆帝至孝武並以中堂為太學通典孝武太元
初於中堂立行太學依升平元年有司奏復二學
生百二十人事訖罷 唐六典注晉咸寧四年置
國子博士一人梁置二人北齊置國子寺有博士
五人隋初隸太常置博士五人大業三年置一人
唐增置二人晉置助教十五人隋五人大業三
年置一人唐增置二人 晉元帝增置國子博
士十六人謂之太學博士

晉書鄒湛仕魏歷太學博士劉琨亦為之隋初置

五人仁壽元年罷國子惟立太學

七月戊戌改國子為太學

置五人

大業三年二人唐增置三人

後魏置太學助教隋初

五人唐置三人長安四年國子監置直講四人後魏

官氏志有太學典錄

晉泮宮

列傳杜預鎮荊州修立泮宮 羊祜鎮南夏開設庠序

范汪守東陽大興學校 庾亮領江州孟嘉為勸學

從事 王沉仕郡文學掾 熊遠郡辟為文學掾 梁

元帝為荊州起州學置儒林參軍勸學從事

宋四學

紀文帝元嘉十五年立儒學館于北郊十六年立玄素
史文學 通典二十年立國子學二十七年二月戊寅
廢 通鑑元嘉十五年豫章雷次宗好學隱居廬山尤
明三禮毛詩以處士召至建康為開館於雞籠山聚徒
教授置生百餘人帝雅好文藝十六年使丹陽尹何尚
之立玄學太子率更令何承天立史學司徒參軍謝元

立文學并次宗儒學為四學帝數幸次宗學館令以巾
構侍講資給甚厚又除給事中不就久之還山又築室
於鍾山西為招隱館使為太子諸王講自華林東門入
延賢堂就業次宗傳時國子學未立朱膺之庾蔚之並以
儒學監總諸生 大明五年會稽立左學召生
徒秦始中置總明觀祭酒一人學士十人有四
科

齊國學

南齊志建元四年正月詔立國學置學生百五十人其

有位樂入者五十人永明三年正月詔立學置生二百

人其冬皇太子講孝經親臨釋奠車駕幸聽

尚書令王儉領祭酒

十日一還學豫章王嶷於邢州立學以王秀之領儒

監試諸生

林祭酒謝幾卿補國子生齊太子自臨策試王儉發

問鍾嶸丘仲孚齊永明中國子生江革請太學補

國子生

梁五館

見館類

天監四年詔開五館建立國學置五經博士帝釋奠先師先聖 陳天嘉中周弘正在國學發周易題

梁州郡學 國子學

紀天監四年正月癸卯置五經博士立州郡學二月初置胄子律博士六月庚戌立孔子廟五年五月置集雅館以招遠學九年三月己丑幸國子學親臨講肄賜祭酒已下有差乙未詔太子及王侯子皆入學十二月癸未幸國子學策試胄子 儒林傳選士徒於會稽受業

何肩分遣博士祭酒至州郡立學 王承為祭酒承祖
儉父暕並居此職三代為國師前代未有 梁到洽遷
博士撰太學碑

後魏國子學 皇子學 四門小學 皇宗學

鄉學

北史魏道武初立太學置五經博士天興二年春增國
子太學生員至三千人四年春命樂師入學習舞釋菜
于先師明元改國子為中書學太武始光三年春起太

學於城東獻文天安初立鄉學郡置博士二人助教二

人學生六十人

後詔大郡次郡立博士二人中下郡一人學生自百人至四十人通典曰郡

縣學始於此

太和中

十年

改中書學為國子學建明堂辟雍尊

三老五更

九月辛卯

又開皇子之學

十六年幸皇宗學問博士經義任城王澄請

修復皇宗之學開四門之教太和初孫惠蔚為皇宗博士

及遷都洛邑立國子太學

四門小學

孝文太和十九年八月乙巳金墉宮成立國子監太學四門小學於洛陽二十年立四門

博士置助教二十人太和末董文發為四門小學博士劉芳表云太和二十年立四門博士於四門置學

於是斯文鬱然比隆周漢宣武時復營國學立小學於

四門選儒生為小學博士員四十人

李謐師事小學博士孔璠

邢

邵曰西京有六學之義東都有三雍之盛今國子有學

官之名無教導之實何異兔絲燕麥南箕北斗

魏書作李崇

北齊諸郡立學置博士助教

後周露門學 虎門館

後周書武帝天和二年七月甲辰立露門學置生七十

二人

唐瑾王褒等四人俱為文學博士

六年沈重為博士於露門館為

太子講論語宣和元年熊安生為博士樂遜在露門教

授皇子大象二年二月丁巳幸露門學行釋奠禮辛
公義傳周武帝召入露門學令與大儒講論蘇世長
傳上書周武帝使卒學虎門館又有通道館學士
武帝立通道觀保定三年尊太傅燕公為三老
於是服袞冕乘碧輅陳文物備禮容清蹕而臨
太學袒割奉觴內有崇文之觀外重成均之
職

隋國子郡縣學

紀高祖仁壽元年國子學惟留學生七十人太學四門

及州縣學並廢

劉炫傳云開皇二十年廢國子四門及州縣學惟置太學博士二人學生七十

二人

儒林傳序仁壽間廢天下學惟存國子一所

七月戊戌改國子為太學

煬帝復開庠序國子郡縣之學盛於開皇初文帝召

馬光張仲諫等六儒為太學博士大業初左氏有徐

文遠禮有褚徽詩有魯達易有陸德明皆一時冠孔

穎達舉明經高第授河南郡博士潘徽揚州博士京兆

郡博士劉焯為冀州博士

唐國子監 七學 六學 七館 六館 三

館 秘書外省 小學 京學 州縣學 貢

觀廣學舍

選舉志國子監生尚書省補祭酒統馬州縣學生州縣
長官補長史主馬經分大中小習業有歲限每歲仲冬
州縣館監舉其成者送尚書省高祖初入長安開大丞
相府下令置生員自京師至於州縣皆有數既即位詔
諸州明經秀才俊士進士明於理體為鄉里稱重者縣

攷試州長重覆歲隨方物入貢吏民子弟學藝者皆送
于京學為設考課之法州縣鄉里皆置學焉高宗龍朔
二年東都置國子監明年以書學隸蘭臺算學隸秘閣
律學隸詳刑 儒學傳序高祖始受命鉅額夷荒天下
畧定即詔有司立周公孔子廟于國學四時祠求其後
議加爵土國學始置生七十二員取三品以上子弟若
孫為之太學百四十員取五品以上四門學生百二十
員取七品以上郡縣三等上郡學置生六十員中下以

十為差

選舉志云京都學生八十人

上縣學置生四十員中下亦以

十為差又詔宗室功臣子孫就祕書外省別為小學太

宗銳情經術即位貞觀六年詔罷周公祠更以孔子為

先聖顏子為先師盡召天下名儒老師以為學官數

臨幸觀釋奠命祭酒博士講經義生能通一藝者得

除吏廣學舍千二百區三學益生員

劉禹錫傳貞觀時學舍千二百

區生徒三千餘外夷遣子來附者五

國子監三百人

太學生六百人四門學生千三百人并置書算二學

皆有博士

官志凡六學東備之禮督課試舉皆如國子學助教以下所掌亦如之

大抵諸

生員至三千二百六十員自玄武屯營飛騎

貞觀十二年始置

皆給博士授經能通一藝聽入貢限四方秀艾挾策負

素至集京師文治燭然勃興於是新羅高昌百濟吐蕃

高麗等羣酋並遣子弟入學鼓箏踵堂者凡八千餘人

紆侈袂曳方履閭閻秩秩雖三代之盛所未聞百官

志國子監祭酒一人

周師司業二人隋大業三年置武德初省貞觀六年

二月二日掌儒學訓導之政總國子太學廣文四門律

置一員

書算凡七學

六典國子祭酒司業掌六學

天子視學皇太子齒胄則

則

講義釋奠執經議歲終考學官訓導多少為殿最丞一

人每歲七學生業成莅試主簿一人七學生不率教者

舉而免之錄事一人助教各五人直講四人

長安四年四月置直

講四武德初以國子監為國子學隸太常寺貞觀二年

復曰監龍朔二年改曰司成館祭酒曰大司成司業曰

少司成咸亨元年復曰監垂拱元年改曰成均監

祭酒令狐德弇

韓愈楊綰鄭覃司業陽城歸崇敬緒無量孔穎達三世司業

後魏於四門置學唐

因之置直講四人用禮記四郊立學之說後移與太學同居貞觀二年左僕射玄齡等建言周公尼父俱聖人然釋奠於學以夫子也大業以前皆孔子為先聖顏回先師乃罷周公升孔子為先聖顏回配四年詔州縣皆作孔子廟十一年詔尊孔子為宣父作廟於兗州給戶二十以奉之

會要顯慶三年文宣王廟樂詔用宣和之舞博士范頤等作樂章

通鑑

武德元年五月壬申置國子太學四門生合三百餘員郡縣學亦各置生員七年二月己酉州縣及鄉皆置學

開元二十六年春令天下州縣里皆置學 禮志皇帝

視學三館學官座武官後 孔穎達傳撰義贊永徽二

年詔國子三館博士弘文館學士考正 歸崇敬傳奏

大歷五年八月 國子太學四門三館各立五經博士品秩生徒

有差旬省月試時考歲貢胥生徒及第多少為博士考

課上下不從 何蕃傳朱泚反諸生將從亂蕃正色叱

不聽故六館士無受污者

六館之士百餘人以蕃之義行言於司業陽城

韓

愈集請上尊號表云臣得所管國子太學廣文四門及

書算律等七館學生狀云

又聽琴詩序司業武少儀總太學儒官三十有六人列燕

于祭酒之堂

李觀書云六館今存者三亡者三 會要元

和元年正月勅國子祭酒司業及學官並取德望學識

二年八月二十四日勅鄉貢明經進士見訖就國子學

官講論質定疑義百僚觀禮國子監請選常參官與學

官同講說於是命兵部郎中蔣武考功員外郎劉伯芻

等同赴國子監講論十三年十一月祭酒鄭餘慶以太

學荒隆奏請率文官俸祿修廣兩京國子監長慶二年閏

十月祭酒韋乾度奏四館學生闕員每年請補者監考試通具姓名申禮部

唐六學

選舉志凡學六皆隸于國子監國子學生三百人以文
武三品以上子孫為之太學生五百人以五品以上子
孫為之四門學生千三百人以七品以上子庶人之俊
異者為之書學生三十人律學生五十人算學生三十
人以八品以下子及庶人通其學者為之天寶九載

七月

乙亥置廣文館總為七學又有憲宗元和二年十二始定

生員西京國子八十人太學七十人四門三百人廣文

六十人律館二十人書算館各十人儒學傳序高祖初置國子生員七十

二員太學百四十員四門學生百三十員會要貞觀五年以後數幸國學

太學增築一千二百間又增生員書算各置博士凡三

千二百六十員

唐國子學太學五經博士廣文館詳見館類

選舉志國子學生三百人以文武三品以上子孫從二

品以上曾孫及勲官二品縣公京官四品帶三品勲封
之子為之上元二年國子監置大成二十人取已及第
而聰明者為之中宗詔宗室業成堪貢者宗正寺試送
監舉如常法三衛願入學者聽附國子學太學及律館
習業蕃王及可汗子孫願入學者附國子學讀書玄宗
開元五年始令鄉貢明經進士見訖國子監謁先師學
官開講問義元和二年_{十二}月定生員西京國子館生八十
人百官志博士五人掌教三品以上及國公子孫從

二品以上曾孫為生者五分其經以為業周禮儀禮禮記毛詩春秋左傳各六十人暇則習隸書國語說文字林三蒼爾雅每歲通兩經求仕者上於監秀才進士亦如之學生以長幼為序習正業之外教吉凶二禮公私有事則相儀助教五人直講四人掌佐博士分經教授五經博士掌以其經之學教國子 歸崇敬傳為司業皇太子欲臨國學行齒冑禮 大歷五年八月 崇敬以學與官名皆不正乃建議古天子學曰辟雍在禮為澤宮前世或

曰璧沼璧池亦言學省漢光武

一云漢武

立明堂辟雍靈臺

號三雍宮晉武帝臨辟雍行鄉飲禮別置國子學以殊

士庶永嘉南遷惟有國子學北齊立國子寺隋大業中

十三年

更名國子監今聲明之盛辟雍獨闕請以國子監

為辟雍省以祭酒為太師氏位三品司業為左師右師

位四品近世明經不課其義先取帖經額門廢業請以

禮記左氏春秋為大經周官儀禮毛詩為中經尚書周

易為小經各置博士一員國子太學四門三館各立五

經博士旬省月試時攷歲貢生徒及第多少為博士
考課上下有詔集百官議皆以省禁非外司所宜名周
官世職者稱氏國學非世官不得名太師氏大抵憚改
作故無施行者通鑑大歷元年正月乙酉復補國子
學生祭酒蕭明上言二月丁亥朔釋奠于國子監辛卯命有司

修國子監八月成丁亥釋奠五年三月辛卯以楊綰為

祭酒

開成二年十月石經成

大歷中張參為司業定五經書于

論堂東西廂之壁太和七年十二月於國子監講論堂

兩廊立石九經 舒元興問國庠記西有高門曰論堂
又至一門曰國子館歷至三館廣文太學四門也館宇
鞠為荒圃李絳謂生徒無鼓篋之志博士有倚席之譏

李庾西都賦外則國子招徒疏館開軒左立太學前
列廣文稽以博士總之成均 皮日休移成均博士書

庠聲序音瓊瓏於珩佩鏘訇於金石 會要貞觀中孔

穎達為祭酒準故事上日開講五經題

儒學傳序孔穎達等始除祭酒

發五經題與諸生酌問

太和七年八月九日

庚寅

置五經博士開

成元年奏請給祿 鄭覃傳文宗以覃名儒故以宰相
領祭酒請太學五經經置博士祿廩比王府官

選舉志太學生五百人以五品以上子孫職事官五品
期親若三品曾孫及勲官三品以上有封之子為之元
和二年十二月始定生員太學七十人

高祖置百四十員

百

官志博士六人掌教五品以上及郡縣公子孫從三品
曾孫為生者五分其經以為業每經百人 六典太學
博士三人五分其經為之業每經各百人課試如國子

之法 蕭昕傳為祭酒建請崇太學以植教本帝代宗

寤其言

永泰二年正月

詔羣臣有籍於朝及神策六軍子弟肆

業者聽補生員

百官志廣文館博士四人助教二人

掌領國子學生業進士者學生六十人東都十人天寶

九載置 會要七月十三日置博士助教各一人品秩

同太學以鄭虔為博士 集賢注記天寶十三載八月

楊沖綦母潛遷廣文博士 國子博士

武德中徐文遠谷那律劉伯莊

貞觀中陸德明開元中尹知章

太學博士

貞觀中王恭馬嘉運賈公彥吳武陵李商隱

國子助教

武德中朱子奢蓋文達文懿

直國子學

朱子奢

直國

子監

開元中趙元默歸崇敬國子直講

楊瑒為祭酒表薦大儒王迥

質尹子路白履忠三人教授國子請明經帖平文生徒

立頌太學門

開元中褚無量兼祭酒

太學生

蕭頤士魏元忠郭元振張柬之薛稷

趙彥昭何蕃嚴永徽時補太學生

韓思彥游太學事博士谷那律田游趙弘智永徽初講孝經百福殿

宰相弘文館學士太學生皆在

唐四門學

選舉志四門學生千三百人五百人以勳官三品以上

無封四品有封及文武七品以上子為之八百人以庶人之俊異者為之開元七年勅通一經及未通經而聰悟有文辭史學者入四門學為俊士

一云二十一年五月勅

元和中

定生員三百人

高祖置學生百三十員

百官志四門館博士六

人助教六人直講四人掌教七品以上侯伯子男子為生及庶人子為俊士生者通典後魏書劉芳表云大和二十年立四門博士於四門置學索禮記曰天子設四學鄭玄注云周四郊之虞庠也今以遼遠欲移與大

學同處從之 柳宗元助教壁記云後魏太和中立學

于四門置助教二十人隋隸國子置五人唐始合於太

學省至三人貞元中為四門助教者三人皆文士柳立

武儒衡歐陽詹

見前唐因魏制分經同大學歐陽詹書四門助教十年方易一官循資歷

級得太學國子助教 施敬本尹思貞為助教 余欽直講 施士句繇四門助教為博士凡十九年

博士

韓愈王玄感敬會真歸崇敬

唐書學

選舉志書學生三十人以八品以下子及庶人之通其

學者為之凡書學石經三體限三歲說文二歲字林一
歲凡書學先口試通乃墨試說文字林二十條通十八
為第高宗龍朔二年二月十日以書學隸蘭臺

初隸國子監

百官志博士二人助教一人掌教諸生以石經說文

字林為顯業兼習餘書武德初廢書學貞觀二年

十二月

復置顯慶三年

九月四日

廢龍朔二年五月

十七日

復置會

要貞觀二年十二月二十一日置六典自漢以來不

見其職隋置書學博士一人

王季逸為書學博士

唐加置二人

周禮保氏教六書 漢志八歲入小學學六甲五方書
計之事注蘇林曰五方之異書如今祕書學外國書也
晉荀勗傳立書博士置弟子教習以鍾胡為法

唐律學

選舉志律學生五十人以八品以下子及庶人之通其
學者為之凡明法試律七條令三條全通為甲第通八
為乙第太宗增置書律學進士加讀經史一部高宗龍
朔三年二月十日以律學隸詳刑或作司刑寺中宗詔三衛番下

日願入學者聽附國子學太學及律館習業 百官志

博士三人助教一人掌教八品以下及庶人子為生者

律令為顯業兼習格式法例隋律學隸大理寺武德初

隸國子監尋廢貞觀六年復置

舊史六年二月戊子初置

顯慶三年

九月 四日 廢龍朔二年

五月十七日 復

會要律學顯慶元年十

二月十九日于志寧奏置隸詳刑寺

六典注晉志有

律博士又衛覲奏置律學博士轉相教授梁天監四年

廷尉屬有胄子律博士

南史天監四年二月初置律博士

隋有博士八

人唐置一人移屬國學

唐算學

選舉志算學生三十人以八品以下及庶人之通其學者為之凡算學孫子五曹共限一歲九章海島共三歲張丘建夏侯陽各一歲周髀五經算各一歲綴術四歲緝古三歲記遺三等數兼習之凡算學錄大義本條為問答明數造術詳明術理然後為通高宗龍朔三年以算學隸祕閣百官志算學博士二人助教一人掌教

八品以下及庶人之子為生者二分其經以為業九章
海島孫子五曹張丘建夏侯陽周髀五經算綴術緝古
為顯業兼習記遺三等數凡六學束脩之禮督課試舉
皆如國子學助教以下所掌亦如之唐廢算學顯慶元

年

十二月十九日

復置

于志寧奏置令習十部算經分二十卷

三年又廢以博士

以下隸太史局龍朔二年復

九數一曰方田二曰粟米三曰差分四曰少廣五曰

商功六曰均輸七曰盈朒八曰方程九曰勾股皆有乘除齊同之法孫子算術蘇所生味絲為忽十忽為秒十

秒為毫十毫為釐十釐為分

會要算學貞觀二年十二月二十一

日置

舊史顯慶元年十二月乙酉置

顯慶三年九月四日廢龍朔二年

五月十七日復置三年二月十日以隸祕書局

一云初隸國子

監未見出處當攷

歸崇敬傳建議律館算館助教請皆罷詔

集議無施行者 馬續傳觀羣書善九章算術

見小學類劉

徽九章算術自一曰方田止勾股大畧與百官志同

隋始置算學博士一人

唐祕書外省小學

選舉志高祖初入長安下令置生貲詔祕書外省別立

小學以教宗室子孫及功臣子弟 會要武德元年十

一月四日詔皇族子孫及功臣子弟於祕書外省別立

小學

儒學傳同

蓋文懿傳高祖於祕書省立學以教王公

子弟文懿為國子助教既升席公卿更相質問文懿譬
曉密微遠近宗仰李絳請崇國學疏高祖初立修太
學并為功臣宗室子弟別立小學建黌舍大加儒訓增
置生徒鴻儒碩學盛於朝列質疑應問酌古辨今易
言養蒙成湯訓蒙士文王教小子

唐增築學舍

二館

詳見館類

選舉志凡館二門下省有弘文館生三十人東宮有崇文館生二十人太宗即位益崇儒術乃於門下別置弘文館又增置書律學進士加讀經史一部十三年東宮置崇文館自天下初定增築學舍至千二百區雖七營飛騎亦置生遣博士為授經四夷若高麗百濟新羅高昌吐蕃相繼遣子弟入學遂至八千餘人王玄感撰書糾繆春秋振滯禮繩愆等上之詔兩館學士議廣德二年七月丙午勅集賢學士精選太學諸生在

館習業

唐崇玄學

詳見崇玄令

選舉志開元二十九年始置崇玄學習老子莊子文子
列子亦曰道舉其生京都各百人諸州無常員官秩蔭
第同國子舉送課試如明經初開元七年帝注道德經
成詔天下家藏其書貢舉人減尚書論語策而加試老
子則崇玄學之肇於此天寶十二載道舉停老子加周易百
官志開元二十五年正月十五日置崇玄學於玄元皇帝廟

天寶元年兩京置博士助教各一員學生百人二載

正月

十五日 改崇玄學曰崇玄館博士曰學士助教曰直學士

置大學士二人徐又改崇玄學為通道學博士曰道德
博士未幾罷 冊府元龜開元十年正月己丑詔兩京
及諸州各置混元廟並置崇玄學習道德經及莊列文
子等二十八年五月謂宰臣曰朕在藩邸有宅在積善
里東南隅宜於此地置學 通鑑開元二十五年正月
初置玄學博士每歲依明經舉 會要寶應三年六

月二十日停道舉會昌五年十月以道士劉玄靜為崇
玄館學士

宋朝政和八年八月庚午建道學

唐西京東都學

選舉志龍朔二年

正月十八日

東都置國子監

會要置學官學生分於兩

京教授

元和二年

十二月

置東都監生百員自天寶之後學

校益廢生徒流散永泰中雖置西監生而館無定員於
是始定生員西京國子館生八十人太學七十人四門

三百人廣文六十人律館二十人書算館各十人東都

國子館十人

會要十
五人

太學十五人四門五十人廣文十

人律館十人書館三人算館二人而已李栖筠傳肅

宗時為常州刺史大起學校堂上圖孝友傳示諸生為

鄉飲禮登歌降飲人人知勸人為刻石頌德韓愈傳

為國子博士分司東都實錄元和元年丁卯詔祭酒

司業及學官並取有德望學識者東都國子監諸館共

置學生百員二年十二月丁巳東都國子監增置學生

一百人 會要元和十三年十一月祭酒鄭餘慶請率
文官俸祿修兩京國子監

唐州縣學

又見上

六典魏晉已下郡國有文學即博士助教之任學生三
都八十人大都督中都督府上州六十人下都督府中
州五十人下州四十人三都縣五十人至四十人諸州
上縣四十人中縣二十五人下縣二十人皆有博士助
教 會要開元二十六年正月十九日令天下州縣里

皆置學貞元三年正月右補闕宇文炫請立鄉學不報
會昌五年正月制公卿百官子弟及京畿之士業明經
進士者隸名太學外郡寓學者隸所在官學列傳陳
子昂入鄉校痛修飭倪若水開元初為汴州刺史增
修孔子廟興州縣學廬勸生徒李栖筠肅宗時常州
刺史大起學校羅珣刺廬州修學宮常袞建中初
觀察福建始閩人未知學袞為設鄉校使作文親講導
與為客主鈞禮由是俗一變歲貢士與內州等後閩人

春秋配享袞于學宮 韋宙刺永州立學宮取仕家子弟十五人充之 許伯會舉孝廉上元中為衡陽博士鄭餘慶在興元創學廬子幹嗣修之養生徒風化盛行 獨孤及福州都督府新學碑閩中無儒學流成公至而俗易李椅大歷八年家有洙泗戶有鄒魯 大歷十四年十二月五日詔諸州府學博士改為文學位參軍上

唐學令

會要大和五年十二月祭酒裴通奏按六典丞掌判監
事凡六學生每歲有業成上于監者以其業與司業祭
酒試之按學令云諸生先讀經文通熟然後按文講義
其試讀每千言內試一帖帖三言講義者每二千言內
問大義一條總試三條通二為及第 史記索隱功令
即今之學令

唐醫學

唐制太醫局醫博士一人掌療民疾習本草甲乙脉經

分而為業

武德中博士一人助教貞觀三年置醫學博士二人貞觀中減一人

助教貞觀三年置醫學博士

士及學生開元元年改醫藥博士為醫學博士諸州置

助教寫本草百一集驗方藏之未幾博士學士皆省僻

州少藥者如故二十七年復置醫學博士掌州境處療

會要開元十一年七月五日丁亥諸州置醫學博士二

十七年二月五日敕十萬戶已上州置醫生二十人十

萬戶已下置十一人

天寶二年十月十六日勅諸州

醫學士等隨貢舉人例申省補授十年與散官同流外

例附

永泰元年復置醫學博士三都學生三十人都督

府上中州各有助教一人三人都督府上州二十人中

下州十人舊紀貞觀三年九月癸丑十六日諸州置醫

學

御製廣濟廣利等方書

六典注晉令助教部教醫子弟宋

元嘉二十年太醫令秦承祖奏置醫學三十年省後

魏隋有博士助教

建隆增修國子監

周顯德二年以天福普利

一作利

禪院為國子監

置學舍藝

祖受禪增修學舍修飾先聖十哲像及先儒何休等二

十一人畫像分列兩廡御製先聖亞聖二贊命宰臣兩

制以下分撰餘贊三章太學閱土木之功

陶穀為之記

建隆

三年重修正月癸未幸監二月丙辰幸

一本云二月十一日己巳始幸

監祖宗故事乃云元年正月初幸二月再幸因詔增葺祠宇塑繪聖賢與諸書異今不取

崔頌判

監事始聚生徒講書上嘉之六月乙未遣中使徧賜以

酒果尋又詔用一品禮立十六戟於文宣王廟門

崔頌傳重

修國學及武成王廟命頌總領其事建隆三年夏始會生徒講說太祖賜以酒果每臨幸國學召頌與語因及

經義頌應答無滯

太平興國八年正月詔以國子監贊九十

四首武成廟贊七十五首付監鏤板

即太祖朝所製判監陳鄂書

端

拱二年二月以國子監為國子學淳化五年三月戊辰

復以國子學為監改講書為直講至道三年三月繪三

禮圖于壁

明年七月畢

景德二年五月臨幸以書庫陘隘增

廣之十一月命邢昺等薦該博端良可為直講者十人

張賴等試經義于學士院而命之

五年九月十六日請於文宣殿北建

閣藏太宗御書

明年正月王曾撰記

志判監二人直講八人

丞簿

書庫監官各一人

天聖七年八月甲午詔國子監以五十人

為解額九年重修監

命內臣張懷信等典其役又以禮賢宅西北隅地及舍宇賜之以廣

學

景祐五年四月二十五日判監鄭戩請修講書及更

衣殿康定元年判監葉清臣請給田五十頃為學廩慶

歷三年十月壬寅以玉清宮二十二頃賜監

四年二月七日又賜

上清宮

皇祐四年五月六日詔選經行老成者為直講

慶歷二年十一月富弼薦孫復治平二年七月韓琦薦崔公度四年十月司馬光薦黃俞

嘉祐三年

五月詔監生以四百五十人為額

吳中復奏請

七月復增一

百五十人熙寧元年正月諫官滕甫等言慶歷太學

內舍生二百員官給食乞增置

詔於內舍生外增一百員名外舍生舊

制補試監生六百人五月增為九百人元豐三年正月
辛巳改國子直講為太學博士每經二人

景德西京國子監

景德四年二月癸酉詔西京建太祖神御殿乙亥八月詔

置國子監武成王廟成日置官講說賜九經書會要云
今河南

修建長編景祐元年五月以河南府學為國子監唐後

同光三年初建文宣王廟咸平三年重修止慶歷三年

十二月戊午以南京府學為國子監

慶歷四門學

慶歷三年二月辛酉國子監請立四門學以士庶子弟
為生員以廣招賢之路從之 會要二年閏九月天章
閣侍講王洙言國子監每科詔下品官子弟試藝給牒
充廣文太學律學三館生或至千餘人即隨秋試既而
生徒散歸講官倚席但為游士寄應之所殊無國子肄
習之法國子監詳定請在學五百日方許取解釋奠陪
位又國學惟七品以上子孫試補八品以下至庶人子

不與致容偽妄宜倣唐制立四門學示國家育才之廣
詔可

慶歷太學 熙寧增廣大學

慶歷四年四月壬子

二十一日

判監王拱辰田況王洙余靖

等言首善當自京師漢大學二百四十房千八百餘室

生徒三萬人唐學舍亦千二百間今取才養士之法盛

矣

學徒二百

而國子監才二百楹制度陋小不足以容學者

請以錫慶院為太學葺講殿及更衣殿備乘輿臨幸

以路王宮從之太學地隘東為錫慶院又東為朝集院為錫慶院學徒三百講官博士十餘人分經教授

至不能居居數月范仲淹罷執政意異四年五月壬申幸國

子監五年正月己巳三司言錫慶院不可缺命別擇地

營之二月乙巳遂以馬軍都虞侯公宇改葺為太學後

堦乃得得錫慶後堂及二廡容諸生以更衣位置錄行堂皇祐二年七月四日詔內

舍生二百人未能充數宜限百人熙寧四年十月十七

日中書言增廣太學益置生員外舍不限員內舍二百

員上舍一百員增置直講十員二人共講一經正錄諭

於上舍生每經選一人戊辰詔具為令

先是太學生二百員熙寧六年

正月壬寅詔增置一百員

已卯

二十日

鄧綰言國子監粗容釋奠齋庖

之室不足容諸生太學假錫慶院西北隅廊屋數十間
生員三百人無容足地乞賜錫慶院為太學修武成王
廟為右學詔宋靖國呂嘉問相度十一月丁酉詔從其
請五年八月辛卯詔外舍生以七百人為額七年五月
壬戌又并朝集院賜之以廣二學為屋百楹元豐二年
八月丁巳詔益太學生員舍為八十齋每齋屋五間六

年五月八日司業朱服請學生旬休習射志祭酒司

業各一人掌三學之教法太學博士十二人分經講授

審覆行藝正錄各五人正舉行學規以次考選錄糾不

不如規者論選士告於正武學博士二人律學博士正

各一人

太學錄五人武學正錄各一人選學生為之

熙寧初用經術取士廣

闢黌舍分為二學增置生徒總二千八百人日給以食

元祐元年三月十四日詔太學歲公試司業博士主

之如春秋補試法

元祐初置春秋博士三年正錄止用上內舍生後復置命官學正一員

政和六年七月二十一日御書大成殿榜刻石首善閣下

慶歷武學 熙寧 紹興武學

慶歷二年十二月壬寅詔兩制舉官為武學教授三年五月丁亥置武學于武成王廟以太常丞阮逸為教授

其年八月戊午罷武學

逸改兼國子監丞有願習兵書者許於監聽讀 張唐英政要

以為議出吳育按育傳不見武學議 劉敞曰先王教胄子以道而不及武者非無四夷之患恐示民以佻也

熙寧五年六月乙亥

二十七日

樞密院言古者出師受成

于學文武弛張其道一也

春學秋射以攷遊倅之藝列于夏官周制也右學蓋其遺

意仁宗嘗建武學既而中輟請復之詔置學於武成王

廟選文武知兵者為教授凡使臣未參班及門蔭草澤

試人材弓馬應格方入學給常膳習諸家兵法教授纂

次歷代用兵成敗及忠義足以訓者講釋之願試陳隊

者量給兵伍肄習及三年考其藝補班行以兵部郎中

韓績判學

後改孫固

郭固同判閏七月五日詔學生限百人

十日蔡碩試邊策為教授

八年楊侃權武學傳授

九月辛酉詔試

大義十道

分兩場

元豐元年詔使臣經任者試充外舍生

限三十人三年六月十八日上新勅令格式行之

官制行政

教授為博士

靖國元年三月續修勅令格式大觀二年十一月

月詔上舍生三取一限百人政和二年詔外舍生稱武

選士內舍生稱武俊士 紹興十六年三月庚午朔詔

修建武學

四月二日上曰習弓馬稍知書則不負教養十九日進呈兵部試選格十二月二十九日

從司業陳試之請並試補入學升趙充國像降韓信從祀

二十六年四月癸巳置

博士弟子員二十二日詔武學置博士一員以文臣有

出身及武舉高選人充諭一員用武舉人置六齋

受成貴謀

輔文中古
經遠閱禮

生徒以八十人為額七月二十四日癸亥詔

外舍以七十人內舍二十人上舍十人為額通一百人

乾道二年二月八日復置諭七年七月庚寅詔武學

赴解試人以五十人為額

五年重修武學

淳熙四年二月幸武

學十六年二月改堂名立武

上一字犯太子名與太學同改焉

然郡國

未之建也慶元五年六月乙亥詔即諸州學置武士齋

宮按武藝

程顯右府同薦除判武學

顧臨判武

學 何去非以教授為博士 朱熹隆興元年為博士

設武科以取士有周道馬所謂貫革之射息說劔指笏冕衣裳在西學皆俊游也 古者干籥皆學於東序狸首騶虞又皆樂師所以教國子也 滋水之學圮橋之言

慶厯州縣學

國朝自嵩陽廬阜嶽麓睢陽各有師徒錫之經傳

四書

院見院類咸平四年六月丁卯詔郡縣祥符二年二
有學校聚徒講誦之所賜九經書一部

月辛卯曲阜孔子廟立學舍四年十一月益州言永康

授校書郎俾還鄉校講說乾興元年十一月兗州立學孫奭言頃知

王廟建學舍四十餘區延生徒數百人以楊光輔為講
書賜田十頃明道二年五月庚寅許大名府立學賜

經九景祐四年十二月壬申詔蒲鎮立學寶元元年三月

己酉大郡亦立學潁川為大郡蔡齊有請特許之慶歷三年十月詔州

府軍監選有文行學官講說四年三月乙亥詔州縣立

學用翰林學士宋祁等言詔諸州立學及二百人以上
許置縣學轉運使及長吏選幕職州縣官為教授又

許舉有德行藝業之士為之

熙寧六年三月己未詔諸路學官委中

書選充元豐元年諸路共五十三員紹聖元年三月選

進士及經明行脩人為之五月命三省選差十月翟思

請修立諸州學舍元符二年十一月二十七日詔諸州

學依太學三舍法考選上舍生每歲貢一人內舍生歲

貢二人崇寧二年五月六日修州縣學敕令格式行之

三年正月十七日增縣學弟子員大縣五十人中四十

人小三十人大觀二年九月十八日州縣藏書閣賜名

稽古政和三年九月詔諸州每歲燕貢士于學因講射

禮宣和三年二月二十日罷天下三舍建炎二年六月

復置教授

凡四十
三州

紹興十二年詔諸州守臣修學十三年

閏四月二十七日詔並置教授十八年七月九日賈

直清請立縣學

教授于鄉嘉祐中福之周希孟揚之孫倅賴之常秩元

祐中杭之吳師仁號之尹材襄之田述古邠之蘇昞徐

之陳師道紹聖則眉之家素元符則楚之徐積紹興則

建之胡憲乾道則遂寧之雍山興化之林象皆以文行
命為本州學官 胡瑗主湖州學慶厯中有司請下湖
學取其法以為太學法

熙寧諸路學官 小學 政和醫學

熙寧四年三月庚寅詔諸路置學官州給田十頃為學
糧有田者益之仍置小學教授

一本云三月五日詔諸
州軍置小學教授

崇寧元年八月二十三日州縣置小學

十歲以上入
學五年立課

試政和四年十一月二十一日州郡小學分三舍五
法

年正月己丑州縣置醫學

熙寧律學

熙寧三年九月己亥始用斷案律義試法官

判大理寺
崔台符等

考六年四月乙亥以朝集院為律學賜錢萬五千緡以

養生徒

命官舉人
各為一齋

教授四員使學而後從政

會要二月二
十七日置

六年七月王白為正七年教授李昭遠元豐二年四月以新科明法及第王壬為教授

志律學

博士正各一人無校定法

博士掌傳授法
律及校試之事

元祐三年九

月乙丑詔省律學博士一員學生不給食靖國元年三

月續修律學敕令格式

元豐太學三舍法 學令

元豐二年八月二十九日詔定太學條制

丁巳益生員舍為八十齋

齊五

十二月十八日

乙巳

中丞李定等言藝可以一日而

校行非歷歲月不可攷今酌周官書攷賓興之意為太

學三舍選察升補之法上國子監勅式令并學令凡百

四十條

一云四百十條

詔行之初太學生檀宗益上書言太學

教養之策有七一尊講官二重正錄三正三舍四擇長

諭五增小學六嚴責罰七崇司業上覽其言命定與畢

仲衍范鏜張璟等同立法至是上之

長編
乙巳

太學置八十

齋齋容三十人外舍生二千內舍生三百上舍生百總

為二千四百員學正增為五人錄增為十人

參用
學生

長諭

以諸生為之入學試而後入月一私試歲一公試補內

舍生間歲又一試補上舍生月書行藝

以帥教不戾規
矩為行治經程

丈合格
為藝

外舍生入第一二等參以行藝升內舍內舍生

入優平二等參以行藝升上舍三等俱優為上一優一

平為中俱中若一優一否為下

上等以官中等免
禮部試下等免解以升

補人行藝進退計人數多寡為學官之殿最賞罰元

祐元年四月王巖叟言博士勞於簿書諸生困於文法

請罷三舍法開師生不相見之禁講肄之餘止以公私

試第高下五月十二日詔孫覺顧臨程頤同長貳修立

國子監條例願請改試為課制尊賢堂延道德之士置

待賓吏師齋立檢察士人行檢法自元豐增國學解額

五百人來者奔湊欲量留百人餘分於諸郡庶幾士安

鄉土奏寢十月劉摯請罷修定學制所

正錄以上考舊條乖戾者去之

七月罷中外學官試法詔兩制司業各舉一員從王巖

叟言也

六月十八日置春秋博士一人六年九月五日禮部言諸生請益許見長貳博士月至齋考其

業紹聖元年三月九日郭知章言元豐以來十餘年上

舍生推恩惟林自一人元祐罷之非是閏四月七日復

行三舍升補法三年修成太學勅令式二十三冊詔明

年正月丙戌朔行之

本紀云紹聖四年正月丙戌朔詔頒內外學制元符三年十一月

復置春秋博士崇寧元年七月罷

大觀元年二月置國子博士四員正

錄各二員與太學官分掌教導九月國子太學辟雍博

士共置二十員

國子太學每經一員辟雍二員

元豐算學 崇寧四學 大觀小學

元豐七年正月吏部請於四選補算學博士

闕從之十

二月辛未詔通算學者就試上等除博士中下等為學

諭元祐元年國子監請修建算學詔罷之 崇寧三年

六月壬子

十一日

建算學書畫學

都省上書畫學勅令格式

學

有司業博

士主簿錄論一云二年九月壬辰置醫學

五年四月十二日詔書畫算醫

四學並罷其書畫學附國子監置博士各一員十一月
十九日復置算學隸祕省大觀元年二月十七日詔書
畫學論正錄直各置一人復置醫學三年十一月算學
尊黃帝為先師夙后等配饗商巫咸至周王朴七十人
從祀四年三月二日詔四學併入太醫局太史局翰林
書藝圖畫局政和三年復置算學宣和二年七月已
未罷大觀三年四月八日修小學勅令格式政和
四年小學生近一千人分十齋十二月頒小學條置

立三舍五年五月試小學生優等四人賜上舍童子出

身宣和二年八月五日中書奏元豐法在京小學止
有就傅初筮兩齋無直學等於是罷三舍教諭選大
學生為之

元祐宗學

元祐六年

一本云十月

宗室令鐸請建宗學於是詔宗正按

熙寧敕諸院建小學

自八歲至十四歲
每歲首檢舉入學

及畢工以賜蔡

確家建中靖國元年世雄仲爰言之四月九日巳亥詔

復置宗學崇寧元年十一月十二日諸宮置大小二學

治平初諸王宮增置大小學講官
宗子世符獻二學頌見宗戚類增置教授二員立考

選法
願入太學律學者聽宗子分隸六學教養宗子年十歲以上入小學二十以上入大學年未及

願入者聽二十九日詔諸宮學令宗正寺長貳提舉四年改

稱某王宮宗子博士位國子博士上
諸宮博士共十三員止三舍法大

觀元年十一月置命官正錄各一員
以宗子正錄副之二年八

月三十日詔曰大司徒以六德六行教萬民而師氏之

教國子則三德三行而已詳於訓士略於治親崇寧教

養宗子法倣辟廱太學宜參酌輕重降於內外之法使
易以政及 政和學制宗正卿總治宗子大小學之政
令少卿貳之紹興五年六月七日大小學教授錢
觀復言國子監有政和學制載宗學法 崇寧元
年十一月置院別都增學官邱崇寧以知宗同知
宗兼領學事大觀三年三月十六日禮部尚書鄭
久中請用宗子中上舍第文行有稱者為宗子學
官從之宣和三年六月二十七日增置西南外宗

院教授

元祐廣文館

見館類

元祐國子監勅令格式

書目十九卷元祐中禮部侍郎陸佃祭酒鄭穆等以新舊條并續降參詳修定學制書一百三十卷政和中撰以御筆裁定者列卷首崇寧學製一卷御製

崇寧辟雍外學

崇寧元年八月己卯建辟雍外學

南薰門外一本云置于城南處天下貢士

十月十七日戊辰初建辟雍外圓南方為屋一千八百

七十二楹宰臣言奉詔天下立學官貢士仍建外學于

王國之南待其歲攷行藝升之太學增上舍二百

人內舍六百人處上舍內舍於太學處外舍於外

學十二月二十九日為文宣王殿三年十一月甲

戌幸太學遂幸辟雍 大觀二年正月朔御製辟

雍記

紹興太學

建炎三年四月詔國子監併歸禮部紹興三年六月丁

未

二十日

復置國子監

詔即駐蹕所在學為之量養生徒置博士三員

十二年十

二月十二日置祭酒司業

博士三員正錄一

詔太學養士以三百

人為額十三年正月癸卯以岳飛第為國子監太學

前洋

街堂一曰崇化

淳熙十六年二月改今名

齋十有二

視身至時中高閑擬齋名在

二月乙酉舊太學七十七齋

二月二十二日詔補太學生司業高闕

條上課試法

闕言仁宗時判監胡瑗所補監生止試論今秋補欲依此例七月丙子上試合格三

百詔以元祐紹聖監學法參定五月詔國子生限以八十人六月二

十一日詔王賞撰太學記

太祖重建國學陶穀撰記徽宗初起辟雍薛昂序馮熙載

記七月癸未新修太學成奉安文宣王于大成殿御書大成

殿及門上自題賜書閣榜曰首善乙未高閑請車駕臨幸

上曰已命討論十月己丑上國子監太武學律學小學

勅令格式二十五卷十二月丁酉詔太學養士增二百

人十四年三月十八日己巳車駕幸太學命閑講泰卦

遂幸養正持志二齋四月二十七日詔太學置小學一

齋

一作六
月乙巳

十五年二月戊寅增生員一百人

外舍生共
七百人內

舍一百人上
舍三十人

八月辛丑又增二百人通舊為九百人十

六年正月戊寅以一千人為額二十年六月一日詔修

太學二十六年二月壬子廣太學生員十二月二十一

日以御製孔子并七十二賢贊碑本徧賜諸郡學校

乾道

五年
重修

補弟子員舊制四方舉人皆得就試謂之混補

淳熙後乃立待補之法以解試人數百人取六慶元中

罷之嘉泰二年復行混補

紹興國子監小學

紹興十四年四月戊申程允元建請六月乙巳詔國子
監置小學 十三年十二月癸巳詔試中監學生依
嘉祐故事給綾紙二十七年二月甲辰詔武學依監
學例

紹興諸王宮學 嘉定宗學

紹興三年六月二十三日謝伋言咸平間醇儒授南北
宅經義望詔三省擇大小學教官

詔各選一人

五年四月七

日同知宗士僂請先差大學教授二人小學二人詔可
六月七日大小學教授錢觀復奏請復置宮學七月六
日宗司奏大小學成八月十九日觀復言宗子昔分為
六宅宅各有學學皆有官今惟有睦親宅南班居之講
堂三楹又無齋舍請附近睦親宅增廣學舍俾內外宗
子均被教養國朝自嘉祐二年諸宮置教授治平元年
增置講書及課試規罰之法崇寧大觀間
諸宮置博士十三員立三舍升補與貢士一體今止
行都及會稽南班宮邸各置教授二員先講論孟侯通
經依大學法十四年二月士穆公惠國同知大宗正事請建學

于臨安二十五日丙午禮部奏學生以百人為額

大學生五

十人小學四十人職事各五人置諸王宮大小學教授二員在學者皆

南宮北宅子孫也若親賢宅近屬則別置教授

以館職兼不在

宗學之例十一月不溢請復置博士正錄二十六年六月黃

祖舜言仁宗以吳充為吳王宮教授方正清謹教導有

方作六歲以獻命錄賜南北宮今西南外教授未嘗講

說精擇經行之士講習程試如太學法從之二十七年

八月四日丁酉宗正丞吳景偁言宮學釋菜無殿講

說無堂請增廣黌舍從之嘉定七年五月二十四日都省言在京舊有宗學中興西南外宗司置學而行在宗

學未修八月二十六日詔建宗學置六齋生員以百人

為額

隸祭酒司業

九年十二月五日始復置宗學

以諸王宮學重建改

為宗改教授為博士又置諭改隸宗正寺於是宗室疏

遠者咸得就學十年三月十九日宗正寺擬四齋名曰

立愛貴仁大雅信厚堂名明倫十四年四月復置教授一員以廣訓迪令舊籍宮學諸生附公私試試中補學

生十五歲以下許試小學生


三才
太學例

五學之建上親為首士之生王族也宗有法廟有序學
有教仕有養用有別漢永平立小侯學而不知先宗子
魏孝文開皇宗學而不知擇師儒唐武德初於秘書外
省立小學而不知立太學今遠追三代之規惠顧於族
屬此天地之恩風雨霜露之教也國家始立宮學訓諸
王之近屬繼勅宗庠徠四方之宗親衍豐芑之仁參棫
樸之盛惟古帝王莫不以學為大務而其教自近始至

周官成均教國子其法益詳而同姓先焉蓋古之政教
遠近親疎固自有次第也惟我治朝丕冒出日鳥言鵲
古知誦簡冊之言髻首卉裳競襲端甫之服而庠序俶
營乎睢渙嗣音乎邾鄆規摹大於齊魏弦誦聞乎荆吳
且遍諸郡矣

詩言天子養士者周宣王而已采芑是也言諸侯養士
者魯僖公而已泮水是也若夫烝我髦士則甫田思古
矣在城闕兮則子衿刺亂矣春秋二百四十二年之

間諸侯築宗廟宮室臺榭門廡莫不書而以學校見於
六經者魯之類宮鄭之鄉校而已 在周則魯侯申能
修泮宮詩有其歌在漢則蜀守文翁能首儒學史有其
贊



玉海卷一百十二

欽定四庫全書

子部
玉海卷一百十三

詳校官中書臣張經田

主事臣祁韻士覆勘

總校官進士臣朱鈐

校對官主事臣陳文樞

謄錄監生臣張裕孚

欽定四庫全書

玉海卷一百十三

宋 王應麟 撰

學校

視學

天子一入學而所教者三釋奠以教其重道合樂
以教其崇德養老以教其致孝

周視學

文王世子天子視學大昕鼓徵所以警衆也

注周禮凡用樂

大胥以鼓

名學士

衆至然後天子至乃命有司行事興秩節

祭先師先聖焉

注不親祭之者視學觀禮耳

有司卒事反命始之

養也

養老之處

適東序釋奠於先老

注養老東序則是視學於上庠

遂設

三老五更羣老之席位焉適饌省醴養老之珍具遂

發咏焉退脩之以孝養也反登歌清廟既歌而語以

成之也言父子君臣長幼之道合德音之致禮之大

者也下管象舞大武大合衆以事達有神興有德也

正君臣之位貴賤之等焉而上下之義行矣有司告以樂闋王乃命公侯伯子男及羣吏曰反養老幼于東序終之以仁也

注孝經說所謂諸侯歸各帥於國大夫勤於朝州里驥於邑也疏

天子視學謂仲春合舞季春合樂仲秋合聲於此時天子親往視學也天子視學在虞庠之中有司釋奠既畢入反于國明日乃之東序而養老若尋常視學則於東膠中惟行養老之禮凡大合樂必遂養老注大合樂謂春入學舍菜合舞秋頒學合聲於是時

也天子則視學焉遂養老用其明日也疏云周禮大胥雖無視學之文月令季春大合樂天子親往則合舞合聲之時亦親視學也 學記未卜禘不視學疏皇氏云禘大祭在於夏天子諸侯視學之時必在禘祭之後此視學謂考試學者經業或君親往或使有司為之非天子大禮視學也若大禮視學在仲春仲秋及季春文王世子注云云月令季春大合樂天子率三公九卿而視學焉與此別也天子春秋視學亦

應在春秋時祭之後 王制王親視學注習禮皆於

大學 月令仲春上丁命樂正習舞釋菜天子乃帥

三公九卿諸侯大夫親往視之仲丁又命樂正入學

習樂季春是月之末擇吉日大合樂天子乃率三公

九卿諸侯大夫親往視之 三禮義宗一年之內視

學有四

見養老類

漢車駕幸太學

光武紀建武五年十月初起太學車駕還宮幸太學

賜博士弟子各有差

朱浮傳親臨觀饗

桓榮傳建武十九年

拜為博士車駕幸太學會博士論難於前 紀安帝延

光三年三月壬戌幸太學 靈帝光和五年十二月幸

太學 獻帝初平四年十月太學行禮車駕幸永福城

門臨觀其儀賜博士以下有差

漢臨辟雍

見上

學校類

漢諸王會辟雍

紀永平二年三月臨辟雍初行大射禮秋九月沛王輔
楚王英濟南王康淮陽王延東海王政來朝冬十一月

壬子幸辟雍初行養老禮 中山王馬傳永平二年冬

諸王來會辟雍事畢歸蕃

紀十月中山王馬始就國

李尤辟雍賦

三后八蕃師尹羣卿載甫垂畢其儀蹌蹌

晉幸辟雍

見上 傅玄有帝幸辟雍鄉飲酒賦

魏梁後周幸太學

魏志甘露元年四月丙辰幸太學二年五月辛未幸辟

雍命羣臣賦詩 齊書永平四年三月國子學講孝經

車駕幸學 梁書天監二年三月己丑十二月癸未幸

國子學親臨講肄策試胄子 後魏書太和十六年四

月甲寅幸皇宗學親問博士經義十七年九月壬申幸

太學觀石經 後周書保定三年四月戊午幸太學以

太傅于謹為三老而問道焉 隋書開皇十年十一月

辛卯幸國學

隋文遵問道之
儀觀釋奠之禮

宋元嘉幸國子學

宋書元嘉二十三年九月己卯幸國子學策試諸生答
問凡五十九人十月戊子賜帛

唐幸國子學

紀武德七年二月丁巳

十七日

貞觀十四年二月丁丑

十日

皆幸國子學親臨釋奠 禮志皇帝視學設大次于學
堂後皇太子次于大次東設御座堂上講榻北向皇太
子座御座東南西向其日皇帝乘馬祭酒帥監官學生

迎于道左皇帝入次執經侍講執如意者與文武學生
皆就位堂下侍中奏外辦皇帝升北階即坐皇太子乃
入就位在位皆再拜侍中敕皇太子王公升皆再拜乃
坐執讀執經釋義執如意者授侍講東詣論義坐問所
疑退以如意授執者還坐皆降若賜會則侍中宣制皇
帝返次羣官既會皇帝還監官學生辭於道左 傳陸
德明武德七年高祖已釋奠召博士徐文遠等各講經
德明隨方立義徧析其要帝大喜賜帛五十匹 徐文

遠高祖幸國學觀釋奠文遠發春秋題論難風生

諸詒

王公子弟
各就學

孔穎達貞觀四年為祭酒詔講孝經穎

達作頌 呂溫頌曰辟雍沈沈天子所臨或絃或歌

講古述今其徒八十纓弁森森瀦貊羌髻咸詠德音

羽林孤兒亦垂青衿

建隆幸國子監

建隆二年十一月己巳

九日

幸大相國寺移幸國子監

三年正月癸未

二十日

幸二月丙辰

二十三日

幸四年四月

丁亥

日六

幸國子監謁文宣王廟

遂幸武成王廟

七月丁卯

又幸

周顯德二年以天福普利禪院初建國子

監國初又增置學舍太祖親撰先聖及亞聖贊十

括以下分命宰臣兩制撰太祖三幸國子監閱土

木之功落成建隆元年二月太祖幸國子監詔

加飾祠宇及塑繪先聖先賢先儒之像帝親製文

宣王及兗公二贊藝祖即位之月首幸國學次

月又幸

祖宗故事云建隆元年正月初辛二月再幸

范祖禹於帝學

言之曰啟祐後嗣立太平之基范百祿上指宗視學疏
又言之曰祖宗隆儒師古躬化天下之意而續通鑑長
編會要日厯等書皆逸不載據實錄本紀太祖以建
隆二年十一月始幸國
子監三年
正月又幸趙師民勸講箴在太祖神武披攘親
駕辟廱真儒有光

太平興國幸國子監 端拱幸太學

太平興國四年二月二十一日壬子幸國子監因幸玉津

園習射 端拱元年八月庚辰二十
六日車駕幸國子監謁

文宣王廟命博士李覺講周易泰卦賜綵段帛百匹移幸

玉津園習射辛巳上謂丞相曰朕昨日聽說泰卦文理

深奧足以為君臣鑒戒與卿等遵守之趙普等頓首謝

政要上幸國子監謁文宣王畢召覺令對御講說覺

曰陛下六飛在御何敢輒升高坐帝為降輦令有司張

絳幕設列坐覺講泰卦從臣皆列坐因述天地感通君

臣相應之旨帝說

講泰卦者太宗李覺 真宗馮元 仁宗楊安國 高

宗高閣

淳化幸國子監

淳化五年十一月丙寅

十七日

上幸國子監賜直講孫奭

五品服因幸武成王廟徧閱塑像至郭子儀曰名將無
震主之威宜其祀享至李晟曰德宗播越非晟克復則
唐運已去咨嗟久之復幸太學賜羣臣坐時侍講李至
執經講堯典一篇未畢令奭講說命三篇帝曰尚書主
言治世之道說命最備文王得太公高宗得傳說皆賢

相也至事不師古以克永世匪說攸聞上曰誠哉是言
因歎曰何高宗之時而有賢相如此飲從官酒三行賜
輿帛三十匹

咸平辛國子監 景德辛國子監

見觀書

咸平二年七月甲辰辛國子監謁先聖因覽壁畫三禮
圖移幸武成王廟復至國學命學官崔偓佺講大禹謨
賜緋祭酒邢昺以下銀綵還幸崇文院閱羣書命從臣
縱覽登祕閣觀太學聖製墨迹惻愴久之賜祕書監楊

徽之等器帛職掌緡錢

秘丞劉錯獻辛太學頌九月壬午以為直史館

天聖幸國子監

閏三禮閣

天聖二年八月己卯

二十四日

幸國子監謁文宣王召從臣

升講堂令直講馬龜符說論語一篇賜三品服已而觀

七十二賢讚述閱東序三禮圖因問侍講馮元三代制

度元引經以對又幸武成王廟還幸繼照堂宴從臣

賜龜

符金

紫

慶厯幸國子監

慶曆四年五月壬申

十一日

幸國子監謁文宣王有司言

舊儀止肅揖而上再拜之

賜直講孫復五品服

又幸武成王廟又

幸玉津園觀稻燕從臣射於園中上中的者九五年正月己巳詔擇地建學

元祐幸大學 榮觀集

元祐六年十月十五日庚午朝獻景靈宮退幸國子監詣文宣王殿行釋奠禮一獻再拜幸大學御崇化堂召宰臣執政官親王賜坐監官侍立學生坐東西廡侍講

吳安詩執經祭酒豐稷講無逸終篇國子監進書籍凡七十部軸上命留論語孟子各一部遂幸武成王廟肅揖酌獻賜稷三品服學官賜帛先是八月戊子朔學士范百祿請視學故有是舉

書目有元祐幸大學儀一卷

書目元祐

六年十月庚午釋奠大學禮成學正汪洙記視學始末及以詩章賦頌奏記類為崇觀集五卷

宣和中幸太

學學諭莫若紀奉安宣聖訖于臨幸三十四條為崇聖

恢儒集三卷

崇寧幸太學辟雍

崇寧三年十一月四日甲戌幸太學辟雍

先是十月六日定儀注

書手詔賜司業吳綱等

學官遷秩賜章服兩學校官免舉賜帛

宣和四年

三月辛酉幸太學命祭酒韋壽隆講書無逸司業權邦

彥講詩下武學官遷秩賜詔并御製宣聖贊

幸精微造士二齋

紹興幸太學

紹興十四年二月戊子司業高閌等上表請車駕幸大

學七月詔宣王復古采芑著詠於新田世祖緯文建武

肇興於大學云云將款謁於先聖仍備舉於舊章三月十

八日

已巳

車駕幸太學祇謁先聖御崇化堂命禮部侍郎

秦熈執經高閎講泰卦賜三品服遂幸養正持志二齋

上覽太祖真宗徽宗所製贊文命有司悉取從祀諸贊

併錄以進遂頒手詔賜諸生乙亥上製文宣王贊其後

又製七十二子贊並刊石太學

一本云出文宣三贊刻石賜學宮

上曰

唐明皇作贊斥先聖先師之名非尊儒重道之意閎曰

尤見聖學高出前代之上二十六年十二月二十一日

臣僚請以御製贊石本賜諸郡學校從之

淳熙幸太學

詔

講中庸九經

淳熙四年二月五日乙亥幸太學幸崇化堂命禮部侍

郎李燾執經祭酒林光朝講中庸九經一段

光朝釋行之者一謂

一乃中庸上曰深得聖人之旨先儒未及

次幸武學詔曰

詔詞周必大所草

昔我藝

祖開基之月首幸國學越二月又幸既宏先師之宇復

審象而為贊本原治道厥有深旨太上中興開設學校

乘輿臨幸儒術益光肆朕纘圖儲精稽古爰以仲春謁

款將聖躬釋菜之禮闡中庸之義洙泗遺風儼然在目朕甚嘉之夫孝於事親忠於事君學之本也業精于勤行成于思學之序也予大夫其念哉當為君子之儒毋慕人爵之得初降詔上諭執政曰朕得兩句云云執政奏大哉王言及幸學復諭曰多士濟濟可嘉四方聞之亦須興起亦幸武學文武並用弛張之術也復賜錢二萬緡修葺五月二十四日詔重塑文宣武成王并從祀十二位舊像權遷於首善閣下上

卷一百六十三
謂塑像多俗王淮等奏以禁中善本宣布學官俾之
重塑依政和新儀制度六月十三日以幸學詔書頒
行諸路十九日光朝請刻訓辭于琬琰以風動四方
從之

嘉泰幸太學

嘉泰三年正月二十八日幸太學祭酒李寅仲講尚
書周官篇禮部侍郎林采執經詔有勉忠孝篤行義
之訓

淳祐視太學

淳祐元年正月戊申十日臨視太學祭酒曹觴
講大學吏部侍郎杜範執經御製聖賢十三贊
宣示諸生釐正從祀隋五賢黜安石詔有明義
理脩文行涵養忠厚砥礪廉隅之訓 咸淳三
年正月二十日幸太學講中庸首章三句 親
屈車駕臨幸太學崇儒術也制定六經罷黜百
家揭正道也奮辭摘藻昭回雲漢明聖作也祕

殿之下錦几之上論經居前勸誦在後道問學也

釋奠

釋奠釋菜祭之畧者也古之入學者釋菜禮其先師其學官四時之祭乃皆釋奠釋奠有樂無尸後世不偏舉於四時獨春秋行事而已記曰釋奠必有合樂國有故則否謂凡有國各自祭其先聖先師其國之無者必合鄰國而祭之自孔子沒後之學者莫不宗

焉天下皆宗為先聖隋唐天下州縣皆立學而釋
奠之禮遂以著令

周入學舍米 釋奠

春官大胥春入學舍米合舞注始入學必釋菜禮先

師也菜蘋蘩之屬

鄭氏謂入學釋菜蘋蘩之屬始立
學釋菜芹藻之屬禮書曰釋菜

之禮猶摯也婦人之摯棗栗脯脩若廟見則
釋菜弟子之摯束脩若禮于先師則釋菜

占夢

乃舍萌于四方注舍萌猶釋菜也古書釋菜釋奠多

作舍字萌菜始生也 王制天子受命於祖受成於

學出征執有罪反釋奠于學以訊馘告注釋菜奠幣禮先師也詩曰在類獻馘疏大胥云舍菜文王世子亦云釋菜注云釋菜禮輕也唯釋蘋藻而已無牲牢幣帛文王世子又云始立學者既興器用幣注云用幣告先聖先師以器成則徒用幣而無菜亦無牲牢也又云凡始立學者必釋奠於先聖先師及行事必以幣是釋奠有牲牢幣帛無用菜之文今注云禮先師不云祭先師則未必有牲牢也周禮宗伯師還獻

愷於祖司馬職云愷樂獻于社不云獻愷於學者文

不具 月令仲春上丁命樂正習舞釋菜注將舞必

釋菜於先師以禮之夏小正曰丁亥萬用入學文王

世子凡學春官釋奠于其先師秋冬亦如之

注官謂禮樂詩

書之官周禮曰凡有道德者使教焉死則以為樂祖祭於瞽宗此謂先師之類也若漢禮有高堂生樂有制氏詩有毛公書有伏生億可以為之也不言夏夏從春可知也釋奠者設薦饌酌奠而已無迎尸以下事疏釋奠無尸者主

凡始立學者必釋奠于先聖先

師及行事必以幣

注謂天子命之教始立學官者也先聖周公若孔子疏立學為重故

及先聖常奠為輕故惟凡釋奠者必有合也有國故祭先師通典云周制

則否

注國無先聖先師則所釋奠者當與鄰國合也若唐虞有夔伯夷周有周公魯有孔子則各自

奠之不合也劉敞曰合合樂也樂書曰合舞與聲

始立學者既興器用幣

然後釋菜不舞不授器

注釋菜禮輕也釋奠則舞舞則授器司馬之屬司兵司戈

司盾祭祀授舞者兵也釋菜于虞庠

天子視學乃命有司行事興秩

節祭先師先聖焉

注使有司攝其事舉常禮不親祭之者視學觀禮耳

適東

序釋奠於先老

注親奠之者已所有事也

學記云皮弁祭菜鄭注

禮先聖先師又云未卜禘不視學則祭菜與視學為

一也凡釋奠有六始立學一也四時有四通前五也
王制師還六也釋菜有三春入學釋菜合舞一也釁
器釋菜二也學記皮弁祭菜三也秋頒學合聲無釋
菜之文釋幣唯一即此釁器用幣是也

三禮義宗四
時入學不及

先聖天子視
學乃祭先聖

祭義祀先賢於西學注周之小學疏

祭先賢所通之經各於所習之學若瞽宗則在國虞
庠為小學則在西郊學之釋奠有常時者春釋奠
先師秋冬亦如之是也有非時者始立學天子視學

出征執有罪反以訊馘告必釋奠焉是也釋奠或施於山川廟社大祝大會同造廟宜社過大山川則用事反則舍奠甸祝舍奠于祖廟禩亦如之是也或施於學大司樂祭樂祖於瞽宗文王世子釋奠先聖先師適東序釋奠於先老王制出征執有罪反釋奠以訊馘告是也或曰四代之學以舜禹湯文王為先聖當時左右四聖成其德業者為先師配饗釋奠之禮有牲幣有合樂有獻酬

漢孔子廟

見羣祀類

郡國志魯國注鍾離意為魯相見仲尼廟頽毀會諸

生廟中慨然曰蔽芾甘棠勿翦勿伐況聖人廟乎遂

躬留治之

意別傳曰出私錢萬三千付戶曹孔訢修夫子車入廟拭几席劍履張伯除草堂下

土中得玉璧七枚伯以六枚白意堂下有甕背有丹書意發之中有素書文曰修吾書董仲舒護吾車拭吾履發吾筭鍾離意璧有七張伯藏其一 矍相之圃在城中西南近孔子

廟而仲尼墓在魯城門北便之外泗水上去城一里葬地蓋一頃墓墳南北十步東西十三步高一丈二

尺墓前有頷甃為祠壇方六丈與地平瑩中異木以
百數魯人莫能識也 禮儀志永平二年三月郡縣

學校祀聖師周公孔子 北史劉芳傳周公廟別在洛

陽緣創成洛邑 漢初平五年九月益州太守高殷修周

公禮殿記 魏志崔林傳魯相上言漢舊立孔子廟廢成

侯歲時奉祠辟雍行禮必祭先師王家出穀春秋祭祀

魏文黃初二年正月以議郎孔羨為宗聖侯奉孔

子祀令魯郡修起舊廟有碑 晉武泰始三年十

一月改封孔震奉聖亭侯又詔太學及魯國四
時備三牲祀孔子 梁天監四年六月庚戌初
立孔子廟 元魏太和十三年七月立孔子廟
于京師十六年二月丁未改謚宣尼曰文聖尼
父十九年四月庚申如魯城親祠孔子辛酉封
崇聖侯奉孔子祀命兗州修孔子墓更建碑銘
唐貞觀三年停以周公為先聖始立孔子廟
堂於國學稽式舊典以仲尼為先聖顏子為先

師俎豆千戚之容始備

政要

太極元年正月

修宣父祠廟

魯哀公十七年立孔子廟于故宅閱千餘載未嘗
出闕里漢儒所謂立學釋奠未知先聖先師為誰
自戴記之外無聞迨魏齊王晉武帝釋奠于學雖
昉見簡冊而未有原廟也唐武德二年廟周孔子
胄監貞觀定孔子為先聖而黜周公牲牢器幣曰
增月益

古者惟功臣與祭大烝未聞弟子從祀于師也自建
武祠七十二子于孔廟然亦不出闕里也貞觀末加
以左卜諸儒從祀太學而武成王之祠亦倣而為之
總章開元以來又加諸儒以三等之爵而州縣學官
咸有從祀矣 先師釋者曰若高堂生制氏毛公伏
生釋奠必有合釋者曰若魯之有周公孔子至如祀
先賢於西學祭樂祖於瞽宗傳者亦謂各於所習之
學祭先師夫周公孔子非周魯之所得專也經各立

師周典豈有是哉所謂各祭其先師疑秦漢以來始有之

漢祠七十二弟子 孔子弟子籍

章紀元和二年二月東巡狩三月進幸魯祠孔子及七十二弟子 孔僖傳元和二年春帝還過魯幸闕里以太牢祠孔子及七十二人作六代樂大會孔氏男子二十以上者六十三人命儒者講論帝曰今日之會卿宗有光榮乎對曰陛下親屈萬乘辱臨敝里此乃崇禮先

師增輝聖德至於光榮非所敢承

史記列傳孔子曰受業身通者七十七人皆異能之士

也顏回 閔損 冉耕 冉雍 冉求 仲由 宰

予 端木賜 言偃 卜商 顓孫師 曾參 澹臺

滅明 宓不齊 原憲 公冶長 南宮括 公哲哀

曾蒧 顏無繇 商瞿 高柴 漆雕開 公伯寮

司馬耕 樊須 有若 公西赤 巫馬施 梁鱣

顏幸

字子柳
唐志曰柳

冉孺 曹卹 伯虔 公孫龍

字子

石

自子石已右三十五人頗有年名及受業聞見于

書傳其四十有二人無年及不見書傳者紀于左

冉季

產

公祖句茲

字子之

秦祖

字子南

漆雕哆

顏高

字子驕

漆雕徒父

壤駟赤

商澤

石作蜀

任不齊

公良孺

后處

秦冉

公夏首

奚

容藏

公肩

一作堅

定

顏祖

字襄

鄔單

句井疆

罕父黑

秦商

申黨

顏之僕

榮旂

縣成

左人郢

燕伋

鄭國

字子徒

秦非

字子之

施之常

顏噲 步叔乘 原亢籍 樂欬 廉潔 顏何

叔仲會 狄黑 邾巽 孔忠 公西輿 公西

蒧

顏高公良孺秦商叔仲會家語有事迹史記不載公伯寮秦冉鄒單三人家語不載別有琴

牢陳亢
縣豐

大史公曰學者多稱七十子之徒譽過實

毀失真鈞之未覩厥容貌則論言弟子籍出孔氏古

丈近是余以弟子名姓文字悉取論語弟子問并次

為篇疑者缺焉

唐禮樂志開元二十七年

八月二十四日

二京國子監天下州縣夫子始皆南向以顏淵配贈

諸弟子爵公侯子淵充公子騫費侯伯牛鄆仲弓薛
子有徐子路衛子我齊子貢黎子游吳子夏魏又贈
曾參以降六十七人參成伯顓孫師陳澹臺滅明江
宓子賤單原憲原公冶長莒南宮适邾公哲哀郈
曾點宿顏路杞商瞿蒙高柴共漆雕開滕公伯寮
任司馬牛向樊遲樊伯有若卜公西赤郈巫馬期鄆
梁鱣梁顏柳蕭冉孺郈曹卹曹一作伯虔鄒公孫
龍黃冉季產東平秦子南少梁漆雕歛武城顏子

驕琅邪漆雕徒父須句壤駟赤北徵商澤睢陽石
作蜀邱邑任不齊任城公夏首亢父公良孺東牟

后處營丘秦開彭衙奚容蒧下邳公肩定新田顏

襄臨沂鄒

一作郭

單銅鞮句井疆淇陽罕父黑乘丘

秦商上洛申黨召陵公祖子之期思榮子旗

一作期

霄婁縣成鉅野左人郢臨淄燕伋漁陽鄭子徒榮

陽秦非汧陽施常乘氏顏噲朱虛步叔乘淳于顏

之僕東武原亢籍萊蕪樂欬昌平廉潔莒父顏何

開陽叔仲會瑕丘狄黑臨濟邾巽平陸孔忠汶陽公西
與重丘公西歲祝阿於是二京之祭牲太牢樂宮縣

舞六佾矣

高宗所製七十二子贊去史記公良孺公
夏首公肩定顏祖鄒單句井疆罕父黑申

黨原亢顏何公西與如十一人增申根遽伯玉陳亢
林放琴牢申堂續六人遽為七十二人 六人文翁

學堂圖所記後人以所見增並 開元八年畫七十
子于廟壁顏回至公西歲 封孔子弟子詔天寶二

載十二月 呂
岩說撰記

漢志孔子徒人圖法二卷 隋志孔

子弟子目錄一卷鄭玄撰 唐志蜀文翁學堂圖一

卷

魏釋奠辟雍

志齊王正始二年初通論語使太常以太牢祭孔子於辟雍以顏淵配五年五月癸巳講尚書通七年十

二月通禮記

並同 宋志云以太牢釋奠辟雍弗躬親

晉釋奠大學

頌

皇太子釋奠

志禮始入學必先釋奠于先聖先師及行事必用幣漢世雖立學斯禮無聞武帝泰始七年皇太子講孝經通咸寧三年講詩通太康三年講禮記通惠帝元

康三年皇太子講論語通元帝大興二年

宋書志三年

皇

太子講論語通

紀太興三年八月辛未皇太子釋奠于太學

太子並親釋

奠以太牢祠孔子以顏回配成帝咸康元年講詩通

二月甲子親釋奠穆帝升平元年三月帝講孝經通

壬申親釋奠於中堂孝武寧康三年十二月癸巳帝

講孝經通並釋奠如故事穆帝

升平元年

孝武時並權以

中堂為太學

二學生百二十人事訖罷禮畢會百官六品以上

裴頠傳皇

太子既講釋奠祀孔子飲饗射侯甚有儀序潘尼

傳為太子舍人上釋奠頌序曰元康元年十二月上
以太子富於春秋而人道之始莫先於孝悌初命講
孝經于崇政殿實應天縱生知之量微言與旨發
自聖問業終而體達至三年春閏月將有事于上
庠釋奠于先師禮也越二十四日丙申侍祠者既齊
典駕次于太學太傅在前少傅在後恂恂乎弘保訓
之道宮臣畢從三率備衛濟濟乎盡翼贊之敬乃
掃壇為殿張幕為宮夫子位于西序顏回侍于北

壙宗伯掌禮司儀辨位二學儒官縉紳先生之徒
垂纓佩玉陪於堂下設尊篚于兩楹之間陳壘洗
於阼階之左几筵既布鍾縣既設我后乃躬拜俯
之勤資在三之義謙光之美彌劬闕里之教克崇
牲饋之事既終享獻之禮已畢釋玄衣御春服弛
齋禁反故式天子乃命内外羣司百辟卿士蕃王
三事咸來觀禮我后既延而與之燕金石蕭管之聲
八佾六代之舞可以移風易俗者罔不畢奏是日也

人無智愚路無遠近不期而俱萃希道慕義洗心革
志想洙泗之風不言之化洋溢乎九有之內固皇代
之壯觀萬載之一會也頌曰篤生上嗣繼期挺秀聖
敬日躋濬哲閎茂留精儒術尊悅古訓遵道遜齒降
心下問鋪以金聲光以玉潤乃延台保乃命學官聖
容穆穆侍講閭閭抽演微言啓發道真探幽窮蹟
溫故知新崇聖重師卜日告奠既戒乃式乃盥乃
薦恂恂孔聖百王攸希疊疊顏生好學無違曰皇

儲后體神合幾蟬冕耀庭紳佩振階德以謙光仁
以恩懷我酒惟清我看惟馨舞以六代歌以九成革
革胄子祁祁學生洗心自白觀國之榮學猶蒔苗化
若偃草博我以文弘我以道

又詩曰尊師重道釋奠
崇祀德成教倫孰云不

社

傳咸頌以能而問處實若虛爰雕聖章王來是
敷乃備嘉薦于國之雍敬享先師以疇聖功疊疊
皇儲希心闕里濟濟儒生莘莘胄子清酒于觴匪
宴斯喜欣道之弘自今以始 摯虞頌曰講業既

終禮師釋奠升觴折俎上下惟燕 通典晉武太

始七年惠元康三年二釋奠皆於太學太始六年元

康五年二行鄉事

鄉飲酒禮

皆於辟雍太子講經竟並親

釋奠於太學東晉明帝之為太子亦行釋奠禮成穆

孝武三帝皆親釋奠唯成帝在辟雍

孝武依穆帝升平元年於中堂

權立行太學

宋元嘉二十二年

志云四月

太子釋奠採晉故事

裴松之議應舞六佾宜設軒縣之樂牲牢器用悉依

上公祭畢親臨學宴會

志云皇太子講孝經通釋奠國子學如晉故事

晉

溫嶠頌敷論義奧綜析毫芒管簫備舉和樂載揚

宋顏延之詩

宋畧元嘉二十年三月皇太子釋奠國學

虞庠飾館睿圖炳

晬伊昔周儲聿光往記思皇世哲體元作嗣尚席函

丈承疑奉袞侍言稱辭敷史秉筆禮屬觀盥樂薦

歌笙昭事是肅俎實非馨獻終襲吉即宮廣讌倫周

伍漢超哉邈猗何承天頌經脩講洽研幾識理貴

道崇業降尊尚齒願言西雍延想沂洙王僧達詩

時泰道暢禮備樂脩啓庠選俊博教深求異人鱗萃

淑美雲浮師尊訓決嘉敬載柔
袁曜詩南庠貴齒東
學尚親卑躬下問降禮師臣圓冠濟濟方領恂恂肄業
既終舍奠爰始韶管遞奏笙鏞間起茨夏愔愔晬容疊
疊與服志元帝大興三年皇太子釋奠制曰未有高
車可乘安車

齊皇太子釋奠

梁陳

南齊禮志永明三年正月詔立學創立堂宇置生二百
人其年秋中悲集有司奏宋元嘉舊事學生到先釋奠

先聖先師禮又有釋菜未詳今當行何禮用何樂及禮器尚書令王儉議周禮春入學舍菜合舞記云始教皮弁祭菜示敬道也又云始入學必祭先聖先師中朝以來釋菜禮廢今之所行釋奠而已金石俎豆皆無明文陸納車胤謂宣尼廟宜依亭侯之爵范甯欲依周公之廟用王者儀范宣謂當其為師則不臣之釋奠日備帝王禮樂車陸失於過輕二范傷於太重引同上公即事惟允元嘉立學裴松之議應儻六佾

以郊樂未具權奏登歌今金石已備宜設軒縣之樂六

佾之舞牲牢器用悉依上公其冬

十月

皇太子講孝經

親臨釋奠車駕幸聽

永明五年冬太子臨國學策試諸生

竟陵王子良

詩四璉合旨八簋舒芬

王儉詩金鎔乃器水術伊瀾

禮邁仁周樂超英漢神保爰格祝史斯贊降冕上庠升

宴東序時彥莘莘國胄楚楚

沈約詩復禮曲臺反樂

宣榭事高東序義邁雲臺栽栽德傳灼灼英台迴鑾獻

爵擬金委奠洋洋聖範楚楚儒衣

唐志齊釋奠會詩

集二十卷 通典梁天監八年九月皇太子釋奠周捨

議請依東宮元會太子著絳紗褙樂用軒縣合升殿坐

者皆服朱衣徐勉議釋奠及宴會太子升堂並宜由東

階大同七年皇太子表其子寧國臨城公入學臣續等

以為參點回路並事宣父洙汶無譏制可

大同七年皇太子釋奠國

學時樂府無孔顏登
歌詞令杜之禕製文

任昉詩告奠明祀觀道聖門日

月不息師表常尊

武帝親
釋奠

梁元帝皇太子講學碑業

冠孟侯道高上嗣轉金輅而下辟雍晬玉容而經槐市

將使東極長男之官不獨銘於銀榜南皮太子之序豈徒擅於金碑 陳書太建三年八月辛丑皇太子釋奠

徐伯陽頌穆穆皇儲莪莪副主道尊七聖德崇監撫春誦夏弦冬書秋羽漢召趨幄周朝問豎翔集禮闈逍遙義府儲駕戾止和鸞有聲弘風講肄崇儒肅成丹書貴道黃金賤羸洙泗興業闕里增榮 江總皇太

子太學講碑 北史魏明帝行講學之禮於國子

寺司徒崔光執經常聚等錄義又行釋奠禮

一本云正

光三年釋奠國學命
祭酒崔光講孝經

詔百官作釋奠詩以聚作

為美

李諧詩帝曰師氏陳牲委奠神具醉止薄言嘉宴

通典北齊太

子每通一經及新立學必釋奠每歲春秋二仲常

行其禮

文苑英華大學觀春宮齒胄賦宗伯蒞

事司成奉職儲駕戾止虞庠肅清傾章甫之列駐和

鸞之聲遜其齒也長幼之節著明其親也父子之道成

示其尊也君臣之義行三善皆得萬邦以正揖遜於詩

書之府雍容於禮義之門敬其學而德至親其師而道

尊

隋釋奠

通典北齊每月朔制祭酒領博士以下及國子諸學生
以上大學四門博士升堂助教以下太學諸生階下拜
孔揖顏日出行事隋制國子寺每歲四仲月上丁釋奠

一行卿飲酒禮

州縣

學以春秋仲月釋奠

唐初以儒官自為祭主許敬宗

奏魏氏則太常行事晉宋以降時有親行請令祭酒為
初獻祝稱皇帝謹遣司業亞博士終獻元善傳開皇初

遷祭酒上親臨釋奠命講孝經

唐孔子廟

祠孔子

釋奠國學

七十子圖

二

十一賢圖

禮志武德二年始詔國子學立周公孔子廟

紀武德二年六月戊

戌立周公孔子廟于國子監會要六月一日

七年

丁巳二月

高祖釋奠以周

公為先聖孔子配九年

一云貞觀十年

封孔子之後

德倫

為褒

聖侯貞觀二年

十二月

因左僕射房玄齡博士朱子奢

言周公尼父俱聖人然釋奠於學以夫子也大業以前

孔丘為先聖顏回為先師乃罷周公升孔子為先聖顏

回配四年詔州縣學皆作孔子廟十一年

會要七月二十四日丙午

詔尊孔子為宣父作廟於兗州給戶二十以奉之十四

年

二月丁丑

太宗觀釋奠于國子學詔祭酒孔穎達講

孝經二十一年

二月十五日壬申

詔左丘明卜子夏公

羊高穀梁赤伏勝高堂生戴聖毛萇孔安國劉向鄭眾

賈逵杜子春馬融盧植鄭康成服虔何休王肅王弼杜

預范甯二十二人皆配享永徽中復以周公為先聖孔

子為先師顯慶二年

七月十一日

太尉長孫無忌等言

云云乃以周公配武王而孔子為先聖

紀乾封元年正月辛卯幸曲阜

祠孔子贈太師會要乾封元年正月十三日追贈孔子為太師天授元年十月二十九日封隆道公

總

章元年

三月一日

顏回贈太子少師曾參太子少保太

極元年

二月十六日

加贈顏回太子太師曾參太子太

保開元八年

三月十八日

司業李元瓘奏先聖廟為十

哲像以先師顏子配則配象當坐今乃立餘弟子列像

廟堂不與享而范甯等皆從祀請釋奠十哲享於上而

圖七十子於壁曾參以孝受經於夫子請享之如二

十二賢乃詔十哲為坐像悉預祀曾參特為之像坐

亞之圖七十弟子及二十二賢於廟壁

會要上以顏子亞聖親為

製贊書于石令文士分為贊題其壁

開元二十六年

詔鄉貢見訖謁先師二十八年二月五日敕春秋

釋奠以三

公行禮

二十七年

八月二十四日甲申

謚夫子為文宣

王夫子始南面以顏淵配贈諸弟子爵公侯伯

子淵充公騫等九人皆侯又贈曾參以降六十七人

爵皆伯

天寶二年十月
璽芝封文宣公

於是二京之祭牲太牢樂宮

縣舞八佾矣

二十八年詔釋奠令攝三公行禮
宗時歸崇敬議春秋釋奠孔子祝版皇代

帝書北面揖以為大重宜准武王受丹書於師尚父
行東西之禮事皆施行
永泰二年二月丁亥朔

釋奠于國學八月丁亥復用牲牢
大中五年十一

月國子祭酒馮審奏孔子廟堂碑是太宗建立睿宗

書額備稱唐德具贊鴻猷文翰顯然金石斯在武后
時於篆額中間謬刻大周兩字恐貽誤將來請琢去

兩字敕所請刊石訖
文頗協事體宜依

儒學傳貞觀二十一年詔左

丘明卜子夏公羊高穀梁赤伏勝高堂生戴聖毛

萇孔安國劉向鄭衆杜子春馬融盧植鄭玄服虔

何休王肅王弼杜預范甯二十一人用其書行其

道宜有以褒大之自今並配享孔子廟廷於是唐
三百年之盛稱貞觀寧不其然 通鑑先是祀先

聖先師周公南向孔子東向坐開元二十七年八

月甲申制自今孔子南向坐

詳見
圖類

倪若水傳開

元初為汴州刺史增修孔子廟興州縣學廬勸生

徒 漢永平二年三月始詔郡縣道行鄉飲于學

校祀孔子則先聖之祠有出闕里者然未作廟至

唐武德二年胄監始立孔廟貞觀四年州縣始皆

立孔廟

唐釋奠 齒胄 貞觀皇太子釋奠 釋

奠頌

紀高祖武德二年六月戊戌始詔國子學立周公孔子廟七年二月丁巳釋奠于國學 太宗貞觀十四年二

月丁丑觀釋奠于國子學賜學官高第生帛二十一年

二月丁丑命皇太子釋奠于太學

志皇太子釋奠自為初獻祭酒張後脩亞

獻攝司業趙弘智終獻畢賜諸學官帛

子帛

右庶子許敬宗上四言詩美之

高宗總章元年

二月丁巳皇太子

弘

釋奠于國學

弘請賜顏回太子少師曾參太子少保制

可開曜元年二月丙午皇太子釋奠于國學

會要永隆二年二月

皇太子親行釋奠禮

睿宗景雲二年八月丁巳皇太子釋奠于

國學先天元年二月丁巳皇太子釋奠于國學

會要太極元年

二月二十八日太子親釋奠開講筵褚无量執經

玄宗開元七年十一月乙亥

皇太子入學齒胄賜陪位官及學生帛

開元七年皇太子齒胄于學謁

先聖詔宋璟亞獻蘇頌終獻及臨享天子思齒胄之義乃詔二獻皆用胄子祀先聖如釋奠右散騎常侍褚无量講孝經文王世子篇羣臣學官諸生以差賜帛太子瑛傳云七年詔太子諸王入國學行齒胄禮

傳

徐文遠為國子博士高祖幸國學觀釋奠文遠發春秋題論難鋒生隨方占對莫能屈帝異之孔穎達太宗

幸太學觀釋奠命穎達講孝經畢上釋奠頌有詔褒美

楊炯永隆二年皇太子已釋奠表豪俊充崇文館學

士薛元超薦炯及鄭祖元鄧元挺崔融褚元量玄

宗為太子元量侍讀太子釋奠國學太極元年太子親釋奠今

講經問孝經禮記題建端立義博敏而辨進銀青光祿大夫

賜予蕃渥賜物百段并紫袍金帶開元七年太子齒甫于學詔

元量升座講勸百官觀禮厚賞賜 儒學傳貞觀六

年詔罷周公祠更以孔子為先聖顏子為先師盡召
天下敦師老德以為學官數臨幸觀釋菜命祭酒博
士講論經義賜以束帛生能通一經者得為吏先是
高祖始受命鉏耒荒天下略定即詔有司立周公
孔子廟于國學四時祠求其後議加爵土至是罷周
公祠 新羅傳貞觀二十二年 一本云
十三年 新羅王真德
遣子文王及弟伊贊子春秋來朝因請改章服從中

國制又詣國學觀釋奠講論 會要貞元二年二月

丁卯釋奠

一本云有司釋奠文宣王廟

宰臣以下畢集學官講五

經大義及先聖之道

唐武成王廟 古今名將圖

禮志貞觀以太公兵家者流詔磻溪立太公廟開元十

九年

四月丙申十八日一本
壬辰通鑑三月丙申

兩京及天下始置太公尚

父廟一所以留侯張良配中春中秋上戊祭之牲樂之

制如文宣出師命將發日引辭于廟以諸州賓貢武舉

人准進士行鄉飲酒禮仍以古名將十人為十哲以

配享天寶六載

正月

詔諸州武舉人上省先謁太公

廟乾元元年

九月二十二日

太常少卿于休烈奏秋享漢祖

廟旁無侍臣而太公乃以張良配子房生漢初佐高

祖定天下時不與太公接古配食廟廷皆其佐命太

公人臣也誼無配享請以張良配高祖廟上元元年

閏四月十九日巳卯

尊太公為武成王祭典與文宣王比以歷代

良將為十哲像坐侍白起韓信諸葛亮李靖李勣列

於左張良田穰苴孫武吳起樂毅列於右以良配

後罷中祀遂不祭建中三年

閏正月二十日

禮儀使顏

真卿治武成王廟請如月令春秋釋奠其追封王

宜用諸侯之數樂用軒縣

一本云三年閏正月戊戌令百僚謁武成王廟

志又云中春中秋釋奠于文宣王武成王皆以上丁戌國學以祭酒司業博士三獻樂軒縣 詔吏

館考定可配享者

七月十一日奏奉五月十五日勅

列古今名將凡六

十四人圖形焉范蠡孫臏廉頗王翦曹參周勃李廣霍

去病鄧禹賈復寇恂馬援皇甫嵩張遼關侯周瑜陸遜

羊祜王濬謝玄慕容恪檀道濟王僧辯慕容紹宗宇文
憲韓擒虎史萬歲尉遲敬德蘇定方張仁亶王峻王孝

傑

列於左

管仲田單趙奢李牧彭越周亞夫衛青趙充

國吳漢馮異耿弇段熲鄧艾張飛呂蒙陸抗杜預陶侃
王猛長孫嵩王鎮惡吳明徹斛律光于謹韋孝寬楊素
賀若弼河間王孝恭裴行儉郭元振張齊丘郭子儀

列

於右

貞元二年二月刑部尚書關播奏太公古稱大賢

下乃置亞聖義有未安而仲尼十哲皆當時弟子今以

異時名將列之弟子非類也請但用古今名將配享去
亞聖十哲之名自是惟享武成王及留侯而諸將不復

祭矣四年

八月十三日

兵部侍郎李紆言開元中太公

廟以張良配以太常卿三獻祝文曰皇帝遣某敢昭告

至上元元年

閏四月

贈太公以王爵祭典同文宣有司遂

以太尉獻祝版親署夫至尊禮於臣佐神何敢歆且文
宣王百世所宗太公述作止六韜勲業著一代請祝辭
不進署改昭告為敬祭留侯為致祭獻官太常卿以下

百官議之

大理卿于頔等四十六人

多請如紆言右司郎中嚴沆

等議曰貞觀中以大公兵家者流始令礪溪立廟開

元漸著上戊釋奠禮其進寵不薄矣上元之際執事

者苟意於兵遂封王爵號擬文宣彼於聖人非倫也

謂宜去武成王號復為太公廟奠享之制如紆請刑

部員外郎陸淳等

六人

議曰武成殷臣也紆暴不諫而

佐周傾之與文宣偶非不刊之典也宜罷上元建封

立廟復礪溪祠有司以時享斯得矣左領軍大將軍

令狐建等

二十人

議曰兵革未靖宜右武以起忠烈今

特貶損非勸也且追王爵以時祠為武教主文武並

宗典禮已久改之非也乃詔以將軍為獻官餘用紆

奏

九月十六日

自是以上將軍大將軍將軍為三獻

會要同

藝文志盧鋌武成廟十哲讚一卷

開播傳初上

元中詔擇古名將十人配享武成廟如十哲侑孔子

播奏太公古賢臣今其下稱亞聖孔子十哲皆當時

弟子今所配年世不同請罷之詔可

朱梁改為武明王廢從祀後唐復之宋朝大祖議武成廟配享所升人二十三人退出二十二人其間如陶侃李光弼且不得預

建隆孔子廟 修廟 謁廟 奠享

奠孔林

追

謚 襲封 植圭 文宣王廟

建隆三年六月詔修飾祠宇及塑繪先聖先賢先儒之像立戟十六親撰文宣王兗公二贊從祀賢哲命當時文人為之乾德四年七月以文宣王後進士宜為兗州

曲阜縣主簿太平興國三年十月詔孔宜襲封文宣公

復其家

漢魏曰襲成晉宋奉聖後魏崇聖北齊恭聖隋曰紹聖唐曰襲聖

八年詔修曲

阜廟至道三年九月戊寅真宗以其後延世為曲阜令

襲封令賁所賜祭器九經書太宗御書賜銀幣遣之廟

有書樓而無典籍於是賜經書大中祥符元年十月二

十七日甲寅詔曰朕以紀號岱宗觀風廣魯載懷先聖

實主斯文將申款謁之儀用表欽崇之志宜取十一月

朔幸曲阜縣備禮躬謁仍付所司詳定所言車駕謁

文宣廟內外設黃麾仗襲文宣公伯叔兄弟並許
陪位從之十一月一日戊午幸曲阜縣謁文宣王廟
廟內外設黃麾仗帝服鞞袍行酌獻之禮又幸叔
梁紇堂命刑部尚書溫仲舒分奠七十二弟子先儒
暨叔梁紇顏氏初有司定儀肅揖而已帝特展拜

以表

嚴師尊儒之意
封叔梁紇齊國公

又親製贊示從臣刻石廟中

留親
奠祭

器于廟從官
立石刻名

禮畢於殿西序召見孔氏子孫撫諭問

宣尼墳隴所在令子孫前至孔林以林木擁道降輿

乘馬至墓設奠再拜問東及南二冢子孫對曰東伯

魚南子思退坐北序與從臣閱碑板詔追謚曰元聖

文宣王

春秋演孔子母夢感黑帝而生故曰元聖

祝文進書名令擇日

冊命修飾祠廟祭器

以簿正祭器

若廟制未合典禮者改

正之給十戶奉瑩廟丁卯賜王廟九經書疏釋文三

史及太宗御製御書百五十卷

又以經史賜兗州

是歲十一

月戊午朔封周公文憲王建廟曲阜

親製贊

長史春秋

祭之二年二月壬辰詔就廟立學舍三月二十五日

庚辰詔文宣廟木主易以玉賜植圭一五年十二月八
日壬申改諡至聖景祐元年以宗愿襲文宣公知縣事
至和二年三月丙子封衍聖公嘉祐六年三月乙酉上
書兗州文宣王廟勝元豐元年十月八日詔以係省錢
修兗州祠元祐四年四月二十六日文宣廟置教授一

員宣和四年正月二十九日御製文宣王贊

崇寧元年
二月二十

五日封孔鯉泗水侯汲沂水侯三年九月十七日詔辟
雍文宣王殿名大成四年八月三日增文宣王冕十有
二旒是年詔文宣王廟立戟二十四改用鎮圭政和元
年四月四日詔十哲贊有犯先聖名改撰宣和四年

三月辛太學孔端朝以先聖後賜上舍出身
紹興十三年三月乙未詔廟門立戟二十四

真宗東

封躬謁孔子祠問宰相孔氏孰為知名者或言
孔兪有治行即名對獻詩百韻頌上德以為知
曲阜縣 孔道輔知仙源縣主祠事言廟制庠
陋請加修崇詔可 梁元帝為荊州起州學宣尼廟
自圖宣尼像為贊而書之 後周廣順二年六

月己酉幸曲阜謁孔子祠幸孔林以孔仁玉為
曲阜令 孔子墓側有石壇是唐朝封禪回謁

孔子之壇

建隆武成王廟

建隆三年九月十六日壬申詔於東京舊城南建武成

王廟與國學相對命左諫議大夫崔頌

一作判國子監崔頌

中使

盧德岳董其役仍命頌檢閱唐末以來謀臣名將勲績

尤著者具名以聞

考試舉人權就武成王廟

四年四月六日

丁亥

帝

幸廟閱土木之功也歷觀兩廊下圖畫名將指白起曰

此人殺已降不武之甚何受享於此以杖畫去之六月

癸巳

十三日

知制誥高錫言配享七十二賢王僧辯不克

令終慮非全德望加裁定詔吏部尚書張昭工部尚書

竇儀與錫詳定以聞昭等奏新入歷代功臣二十三人

如灌嬰耿純王霸祭遵班超西晉王渾東晉周訪宋沈

慶之後魏李崇傅永北齊段韶後周李弼唐秦叔寶張

公謹唐休璟渾瑊裴度李光顏李愬鄭畋梁葛從周後

唐周德威苻存審舊配享功臣退二十二人魏吳起齊

孫臏趙廉頗漢韓彭周亞夫段紀明魏鄧艾蜀關侯張

飛晉杜元凱陶侃北齊慕容紹宗梁王僧辯陳吳明
徹隋楊素賀若弼史萬歲唐李光弼王孝傑張齊丘
郭元振詔曰其武成王廟從祀神像齊相管仲宜塑
像升于堂魏西河太守吳起宜畫像降于廡餘依昭
等議外並從舊制開寶二年九月一日乙巳幸武成
王廟淳化五年十一月十七日幸武成王廟指郭子
儀謂左右曰累朝握兵立大功無震主威宜其配享
矣又指李晟曰德宗播越蓋為奸邪所誤不能斥去之

非李晟克復唐運已去矣咨嗟久之景德四年二月八日詔西京擇地建廟如東京之制祥符元年十一月戊午朔加謚太公曰昭烈武成王令青州立廟春秋致祭天聖二年八月二十四日慶厯四年五月十一日並幸武成王廟熙寧元年

一云三年

六月十九日詔整葺摧毀遣

內臣董之六年十月二十五日修廟詔禮官議先朝功臣勲業可配祀者以聞後不果行元祐七年十月十五日辛廟政和三年十月二十日禮部請以南仲召虎方

叔吉甫尉繚配食宣和五年正月封管仲至周瑜為侯

伯紹興二十九年二月二十四日臣僚証

都民望

言李勣

不可升堂上李晟不宜寘廊廡詔禮部議四月十七日

辛丑詔李晟居堂上郭子儀之次李勣在河間孝恭之

下尉遲敬德之上乾道六年八月二十六日太學正薛

元鼎請以周之南仲侑食武成王上喜以為南仲之孫

皇父猶為中興之將便宜舉行淳熙四年傅伯壽言唐

開元間銓次太雜錢良臣又請以建隆建炎名將參陪

廟祀詔禮官給舍監官討論後省集議七月十二日升李勣於堂上降李晟於勣位次仍以曹彬從祀

建隆謁先師禮

建隆二年十二月二十日禮闈移牒奉常請令貢士謁拜禮院按禮閣新儀無之開元二十六年詔諸州貢舉人見訖就胄監謁先師官為開講質問疑義昭文崇文兩館生亦如之後諸郡貢舉人十一月一日正衙見訖擇日謁先師為常禮熙寧五年十二月六日國子監言

舊制貢舉歲於十二月下旬集諸州所貢第一人謁奠
先聖如春秋釋奠儀時多未至者請罷從之大觀元年
十一月六日強淵明請貢士始入辟廂並以元日釋菜
政和六年閏正月二日詔高麗受學者元日隨貢士釋
菜

祥符封孔子弟子 二十一賢贊 明道七十

二賢圖 政和孟子廟配享從祀

祥符二年五月乙卯朔詔追封孔子弟子七十二人顏

回充國公至卜商河東公曾參瑕丘侯至琴張頓丘侯
詔曰四科鉅賢並超五等七十達者俱贈列侯令中書

門下及兩制館閣分撰贊

命王旦撰
顏子贊

初帝覽崇文院檢

定七十二弟子案史記唐會要凡七十七人今曲阜廟

唯七十二人帝曰何故不同王旦言國學七十二弟子

經太祖定議曲阜準國學畫象七月戊寅詔封左丘明

至范甯二十一人皆為伯

贈王肅司空
杜預司徒

命羣臣為贊天

禧五年六月十五日國子監請以聖製文宣王贊及詔

命洎近臣所撰十哲七十二賢贊鏤版流布從之明道
元年八月戊午詔國子監重修七十二賢堂左丘明而
下二十一人並以本品衣冠圖之元豐七年五月壬戌
二十封孟子鄒國公與顏子並配而荀楊韓子並封伯
二日

爵列于從祀八年二月九日命學士院撰鄒公及荀楊
韓子贊崇寧元年二月詔追封孔鯉孔伋為侯大觀二
年二月二十七日詔繪子思像從祀四年九月十二日
封公夏首至廉潔十人為侯先是四月二十八日議禮

局言公夏首等史記有其名唐開元禮亦載祀典請皆
贈侯爵與祭享從之元豐以孟子為鄒國公配食先聖
而鄒公廟在兗州鄒縣政和五年春乃詔樂正子克配
享公孫丑至子叔十七人從祀加封爵焉靖康初降王
安石于從祀紹興七年春胡安國上疏請追爵二程張
邵列于從祀不報淳熙三年冬趙粹中請削去安石從
祀四年七月癸酉但除王雱畫象而已淳祐元年正月
十五日始去安石而列周張二程朱子于從祀端平二

年正月二十日禮部尚書李臺請以子思陞祀堂上列
在十哲之間 紹興十年七月甲子復釋奠文宣
王為大祀用王普請也祀前受誓戒加籩豆十
二其禮如社稷十三年三月八日司業高閱言
文宣王充鄒公十哲像徽宗討論五等章服請
如大觀改賜之數二十三年九月十一日王綸
請重繪自國學始以其式鏤版頒諸郡二十六
年十二月二十一日戊午有司言陛下御製

贊灑宸翰刻琬琰望以賜諸郡學校從之乾道五年
八月重飾宣聖十哲及兩廡神像六年正月武成廟
亦裝繪

祥符釋奠祭器圖

詳見圖類

祥符二年正月八日甲子詔禮院定釋奠禮器頒州縣
三年二十四日甲戌判院孫奭言釋奠舊禮以祭酒司
業博士三獻新禮以三公近歲止命獻官二員兼攝請
備差大尉大常光祿卿三獻詔可六月九日丙辰頒諸

州釋奠儀祭器圖 景祐元年十一月辛亥
詔文宣武成廟並用登歌之樂學士院撰樂
章

元祐行釋奠禮

見視學類

乾道皇太子釋奠儀

祥符九年十一月職方外郎李邈表請壽春郡王行釋
奠之禮上曰年幼未可遽行 乾道八年正月丙戌

十七

日宰輔請討論上丁釋奠皇太子入學之儀上曰文王世子篇載此甚詳梁克家奏入學以齒則知父子君臣長幼之道虞允文奏事備於禮經上曰可令有司討論以聞

乾道釋奠通祀圖

一卷乾道中張維取元符政和新舊儀各為之圖嘉定六年全州教授黃學行進歷代尊師本末二卷載尊崇孔氏祭祀儀注配享從祀沿革升降之因

淳熙釋奠制度圖

紹興十年七月詔釋奠文宣王在京為大祀州縣為中祀淳熙六年四月十八日知常德府李燾乞頒下釋奠儀注及繪畫尊爵簋簠制度圖本頒下從之七年二月十七日禮官言參照祥符間頒下州縣祭器止有散尊與新儀不同乞除去兼政和之後配位從祀神位升降及封爵不同慮州縣塑繪不一乞依國子監大成殿并兩廡從祀位數爵號姓名并尊器制度頒降從之 紹

熙元年十月知漳州朱熹條上釋奠禮儀數事太常條


奏後不果行

先是守南康日嘗乞取政和新儀川縣釋奠風雨雷師祭等錄板頒下而其書自多

抵牾復以告則莫之省者至是復列上且移書禮官

書目有元豐頒行諸州釋

奠儀注一卷



玉海卷一百十三